

欽定吏部銓選則例

欽定吏部銓選漢官則例卷之五目錄

揀選

考選

廕生並各項議敘人員揀選保題

各衙門題陞保送先儘一等人員

吏部司官

各部司官

○題缺保題○選缺序補○查覈限期○無論題選咨留補用人員補班
○專補選缺人員保舉無論題選咨留補用
扣滿行走十年方准擬補題缺

無論題選無論咨留人員補班○遇缺卽補○

等項人員輪補次序○題選統補主事保舉
無論題選等項班次資俸在前准補留補留
題之缺○資深先人員按行走日期補用○
捐班議敘先補用○各項不積缺人員補缺
次序○禮兵二部選缺員外郎留補○實缺
人員服滿奏留○實缺人員降革捐復奏留
○特用人員補班○候補人員丁憂服
滿分別人文到部先後○遇缺卽補等項人
員分別歸班補用○捐納人員分別試俸○
在部候補人員保舉外官離署○各項小京
官補班

熱河都統衙門辦事司員

吉林將軍衙門辦事司員

各部院司員揀派例有年限差使期滿不准奏

請留辦

部屬等官出坐糧廳等差停其保題

保留各項分部學習人員引 見

京察一等已邀陞用人員不准復將一等帶於新任

各衙門 京察一等人員調部

宗人府 起居注主事 京察一等調部

滿漢郎中揀選道員

京察 記名編檢照開坊人員請 旨

內閣侍讀中書

宗人府主事

起居注主事

國子監監丞等缺

國子監博士等官甄別改補留任保題

翰林院待詔孔目等缺

順天府治中題補

順天府四路同知揀補

順天府屬州縣保題同知直隸州並佐雜陞調

京學教職調補

刑部提牢官

刑部司獄

盛京刑部司獄期滿卽陞

禮部鑄印局大使

司坊官員

奉宸苑閘官

奉天州縣等官補用

撫民同知通判

理事同知通判

○內閣各衙門保送理事同知
通判○記名理事同知通

判改爲二等三等分別查銷。各省奏請揀發理事同知通判。呼蘭理事同知題補。理事同知通判註銷捐案保案分別帶領。同知通判由理事改爲撫民其理事人員准與地方各官酌量陞調請補。

筆帖式截取知縣

捐納議敘試俸各官期滿保送陞用

記名人員一人不許佔兩途

記名人員揀選時患病扣限陞用

查辦卓異卽陞州縣等官陞任京職

潘杲奏請 陞見

道府等官俸滿引 見

直隸熱河道

直隸口北道山西歸綏道

直隸津海關道

奉錦山海關兵備道

奉天東邊道等缺

吉林吉林府知府等缺

奏派揀選各堂官卽日赴挑

各衙門開送奏派堂銜

欽定吏部銓選漢官則例卷之五

揀選

考選

一 候補科道人員人文到部俟有缺出吏部帶

領引

見補授如無候補之人給事中缺出吏部將各道御

史論俸通行帶領引

見如二缺同日帶領引

見請

旨簡用二員

者傳

旨後當卽在

朝房由吏部堂官公同

該御史自行

轉補其有出差者亦列名於單

定缺分

欽定吏部則例

卷之五

銓選漢官

一

內註明現出何差綠頭牌亦照單內註寫一

併進

呈恭候

欽定各道御史缺出由郎中員外郎內閣侍讀翰林

院編修檢討保送考選

記名翰林無人
郎保翰林

部屬無人
郎保部屬

以上各官如非正途

進士舉人恩
拔副歲優貢

廩生俱
作正途

出身雖經保舉不准考選如由廩增

附生捐貢亦不許作正途考選在京官員三

品以上及總督巡撫子弟俱不准考選其有

由科道降補部屬及捐復改補部屬並由科道陞任後仍由科道任內事故降至部屬等官均不准再行保送如陞任京堂並非因科道任內事故降至部屬等官者仍准保送凡初次未經

記名或

記名後緣事撤銷並因私罪降補京職及不勝外任奉特旨改用與年逾六十五歲及初任部屬並援例捐復現任捐陞歷俸未滿三年之員俱不准保

送捐納人員由部選授得缺者如歷俸未滿三年雖經捐免試俸仍不准考選至

捐復並初捐分部奏留補缺人員應題銷試

俸者捐免後卽准一體保送毋庸扣滿三年

之限

其未滿三年並未捐免者亦不准保送

其應考選御史人

員令內閣各部院堂官於所屬各員內翰林

院掌院於散館授職後歷俸已滿三年之編

修檢討內擇其勤敏練達立心正直者不分

漢軍漢人秉公保送其出郎中員外郎出差

各倉監督人員亦准該倉場衙門出具切實

考語一體保送

如保送各員內查有各項不合例應行扣除者概以該衙

門送到之日爲斷不得俟至引見之日始行扣算

各衙門送齊之

日吏部請

古考試引

見記名遇有缺出

御史轉掌遺缺以都察院定稿之日作爲轉掌遺缺出缺日期其有

轉掌二缺係同日定稿者卽以轉掌之員俸次先後爲缺之先後都察院於開缺知照文內將定稿日期聲敘以便按班帶領引

見按

記名先後照依俸次翰林部屬分班

編修檢討按

記名年分先

後帶領如同日

記名者照依俸次帶領

郎中員外郎內閣侍讀先按

郎中員外郎內閣侍讀先按

記名年分

先後帶領如同日
記名者先傳郎中無
人再傳員外郎無人再傳內閣侍讀均各照
依作次
帶領
每缺帶領三人恭請

欽定補授至保送引

見記名後嗣該員出例有年限差不克來京引

見者遇有缺出應將該員扣除帶領傳帶其次之員

俟該員差竣回京遇有缺出再行帶領引

見

其現充各處

欽工監督等項差使者遇有御

史缺出仍應傳令赴部帶領引

見如有應行

引
兄之員該衙門咨稱赴工住班吏部
仍將該員銜名照依名次列入排單其赴工
之處於本員名下及緣頭牌內詳細註明一
併進
呈以杜規避此外如有託故不到及

連次患病告假等事卽分別議處其保送御史時業經保送

到部於未經引

見之前旋即出差者俟差竣之日查係業經考試或

係奉

旨不必考試俱准補行引

見如奉

旨記名入於從前

記名本班內諭俸陞用如奉

旨考試因出差未經入考之員仍不准其補行引

欽定吏部則例

卷之五

銜選漢官

四

見未便再行奏請補考是以不准補行引見至患病之員無論曾否考

試概不准其補行引

見其有由刑部司員

記名御史者如該員在本衙門果能始終出力該堂

官據實奏

問請

旨以四五品京堂酌量補用仍可兼部行走奉

旨簡用御史後通照各衙門之例不准兼部行走至

先經御史

記名續經知府

記名又復援例加捐知府選用者將

記名御史註銷歸入捐納知府班內選用如遇知府

本班先到亦准其一體陞用不得以知府班

內銓選無期呈請註銷仍歸

記名御史班內一體引

見其應保送御史各員如遇現有處分及任內降革

案件雖經捐復尙未具題者均應扣除不准

保送其各衙門保送御史奉

欽定吏部則例卷之五 銓選漢官

五

旨記名後除軍機處准其保留註銷外其餘無論何
衙門概不准保留註銷如有率行保留註銷
者將該堂官照徇庇例議處如奉

旨允准之件仍應查明請

旨更正

道光十九年五月軍機大臣而奉

諭旨嗣後考試御史遇朕在宮內時著在乾清宮考試
其駐蹕圓明園日期即在正大光明殿考試此次考
試卽照此辦理欽此又咸豐元年七月吏部奏請部

屬考試御史奉

錄批著在保和殿考試欽此又是年奏請翰林考試御
史奉

錄批本月三十日著在保和殿考試欽此又光緒二年
八月奉

上諭御史鄧慶麟奏各衙門司員定有年限差使往
往不行更換記名御史人員有奏請緩帶引見者
易啟蚩緣奔競情弊等語嗣後各部院衙門堂官
於各項差使務當查照向章秉公遴派毋得意存

見好其記名御史應行引見各員不准奏請展緩
帶領以符定制欽此又光緒五年五月奉

上諭前據軍機大臣奏請將辦事得力章京刑部郎
中馮光勛註銷記名御史仍留軍機處行走當經
降旨允准茲據御史梁俊奏稱言官關係緊要請
飭嗣後務將得力之員保送御史記名後概不准
保留註銷飭部嚴定章程等語軍機處事務繁重
得力人員向有保留及註銷御史成案自應仍照
向章辦理此外各衙門堂官嗣後保送御史務當

慎選其人不得以不甚得力之員充數保送記名
後概不准保留註銷卽著吏部嚴定章程以杜取
巧至軍機大臣保留章京亦須慎重選擇毋稍冒
濫欽此又光緒八年十二月奉

上諭給事中唐樹楠奏各部院衙門保送御史請飭
認真考察一摺臺諫爲朝廷耳目之官選用得人
方能稱職近來科道中竟有劣蹟昭著之員實屬
有玷臺班嗣後各部院衙門堂官保送滿漢御史
務當認真考察擇其才守兼優者出具切實考語

以備簡用不得濫行保送如所舉非人定照濫保
例議處欽此應卽恭纂入例

廕生並各項議敘人員揀選保題

一各部司員應題缺出除庶吉士散館並進士
分部等項人員係屬正途俟補缺後卽准揀
選保題外至漢廕生員外郎主事及各項議
敘未經莅任由部銓選得缺人員應候扣滿
歷俸二年如有指免歷俸者應以方准揀選
到任之日起扣滿半年
保題其分部學習期滿由該堂官奏留補缺

者毋庸尋常年限准其一體揀選保題

各衙門題陞保送先儘一等人員

一部院等衙門遇有題陞先儘曾經

京察一等未經

記名及

記名尙未陞用仍在原衙門行走人員

其出各倉監
督等項差使

人員如山差次保列 京察一等差竣
回署不得作爲本衙門一等先儘題陞如一

等無人或一等之員遇有事故及始勤終怠

者方准以二等人員題陞至各部院等衙門

遇有保送先儘

京察一等人員如一等不敷保送或一等無人方准保送二等人員其未遇

京察歷俸在半年以外者亦准一體保送其有先經別衙門

京察保列一等之員續經陞任仍係

簡放道府之員到任後歷俸在半年以外者亦准其

一體保送

其保送各員列名次序列載京外官員分別開列引見條內

吏部司官

一吏部四司司員將進士出身之人銓選陞補
其文選考功兩司專司銓選處分職掌緊要
事務殷繁郎中員外郎俱作爲題補之缺主
事四缺內二缺亦作爲題缺遇有缺出應令
該堂官於現任屬員內揀選保題其餘主事
二缺並稽勳驗封兩司司員均歸銓選

各部司官

題缺保題

一禮部司員缺出將進士出身之人銓選陞補

由拔貢籤分六部之七品
小京官均准照例題陞

至各部事繁司分

酌定題缺如戶部陝西雲南山東福建浙江

四川六司郎中江南廣東廣西貴州山西江

西六司員外郎陝西雲南山東福建湖廣五

司主事禮部儀制司郎中員外郎主事祠祭

司郎中員外郎兵部武選車駕二司郎中武

選司主事職方司員外郎又武選司員外郎

二缺職方司郎中二缺主事二缺內各酌定

一缺刑部直隸奉天江蘇江西浙江河南山

東四川廣東九司郎中安徽福建湖廣山西
陝西廣西雲南貴州八司員外郎直隸奉天
江西陝西四川貴州六司主事工部營繕司
郎中員外郎都水司郎中員外郎製造庫郎
中鉛子庫硝磺庫主事二庫主事員缺專以
正途出身人員補用
虞衡司主事均作爲保題之缺其主事題補
例載題補主
事統較行走
先後條內 遇有郎中員外郎缺出將題補
之人擬定正陪並將

京察等第於文內聲明

選缺序補

一各部司官如吏部稽勳驗封兩司郎中員外郎主事文選考功兩司主事四缺內二缺戶部江南山西河南江西湖廣廣東廣西貴州八司郎中山東河南陝西浙江福建湖廣四川雲南八司員外郎江南山西河南浙江江西廣東廣西四川貴州九司主事禮部主客精膳兩司郎中鑄印局員外郎祠祭精膳兩司主事鑄印局主事兵部職方司郎中二缺

內一缺武庫司郎中武選司員外郎二缺內

一缺車駕武庫兩司主事職方司主事二缺

內一缺刑部安徽山西陝西二缺福建湖廣二缺

廣西貴州雲南督捕九司郎中奉天直隸二缺

江蘇山東河南浙江二缺江西廣東四川九司

員外郎江蘇安徽山東山西河南浙江福建

湖廣廣東廣西雲南督捕十二司主事工部

虞衡屯田兩司郎中虞衡屯田兩司員外郎

營繕二缺都水二缺屯田三司主事均作爲應選

之缺如遇缺出以五缺爲一輪均令該堂官
於第一缺留補第二缺留題第三缺留補第
四缺留題第五缺咨選其留補之缺勞績與
資深先資深分班輪補其留題之缺應先將
無論題
選咨留人 郎中員外郎專以現任人員題陞
員補用 主事專以例得補題缺之正途資深人員題
補均不得酌補勞績人員

查覈限期

各部司官缺出限十日內移咨吏部查覈吏

部查明與例相符者應於十日咨覆該衙門
於吏部覆准後限十日內帶領引

見如各部題補人員有因與例稍有未符應先行咨
查辦理者其咨覆限期以十五日爲期庶免
草率如有將不合例人員查覆到部例應駁
查者俟查覆到日再行辦理再每年封篆屆
期及啟

察以前並屆截缺之前各衙門應行值日帶領引

見者仍即趕辦覆覆以昭慎重至各衙門保題人員

仍令該堂官將所出之缺應行題補緣由摺
內詳悉聲明請

旨引

見後卽將引

見日期知照吏部及稽察各衙門查明有無往返駁
查日期如有遲延查取職名議處其所遺應
歸月選之缺在每月二十日以前出缺者卽
歸本月在二十日以後出缺者卽歸下月不
得延誤挪移如於二十日截缺之日帶領引

見所遺員缺以引

見奉

旨之日作爲開缺日期卽日知照吏部開缺將應留

應咨之處分別辦理不得遲至述

旨後始行知照

如有遲至述

旨後始行知照致

逾截缺日期者除將員缺查照開缺
遲延定例分別辦理外仍

將遲延職名分別參處
其應題之缺如無

合例可保之員仍咨吏部銓選如保題合例

之員未經引

見適遇出差該堂官亦卽先期將員缺奏明俟該員

差竣回京再行帶領引

見恭候

欽定

無論題選咨留補用人員補班

一各部司官題選缺出除有各項不積缺人員

補缺次序本例另列專條應先儘補用外其保舉無論題

選咨留補用者遇額設題缺應先行補用一

人再遇缺出郎中員外郎揀選陞補一人主

事將資深候補例得補題缺之員補用一人

與無論題選者留人員相同輪補郎中員外郎主事
應選缺出無論留補留題者選之缺均先用無論題
選者留一人不積者留之缺次出之缺仍照舊積算
如第一缺輪應留補先用無論題選者留一人
次出之缺仍作爲第一缺照例留補餘以類推

專補選缺人員保舉無論題選者留補用扣滿行
走十年方准擬補題缺

一各部院保獎無論題選者留人員如本係題選兼補
者准其按班輪補其由專補選缺人員保獎無論題
選者留查其行走未過十年祇准輪補者留選缺不

得遽補題缺及選缺中留題之缺俟行走扣滿十年
後方准以題缺按班序補

無論題選無論咨留人員補班

一各部司官保舉無論題選題缺卽補或無論題選儘

先補用者遇額設題缺由該堂官酌量補用

原係專補選缺

之員亦保舉無論咨留題缺卽補或無論咨留儘先

補用者遇選缺輪應咨選時如無論題選咨留無人

准將無論咨留人員補用

如已用無論題選咨留之人卽不得再用無論咨留

之不慎咨選之缺以上兩項人員如遇留補選缺應

仍按其所保遇缺儘先字樣分別歸於遇缺儘先班
內與同班人員比較奉

日期先後補用

遇缺卽補等項人員輪補次序

一各部司官保舉遇缺卽補並儘先補用等項班次者

遇選缺輪應留補時先用遇缺儘先一人

遇缺卽補無人方用

儘先補用人員儘先無人准將保舉以陞階補用陞用及以應陞之缺陞用人員補用

再應留

補時用資深先一人

係捐納分部中式進士以本衙門員缺卽補人員

再應

留補時用資深一人

比較行走日期先後序補之處詳載題補主事統較行走先後

例內勞績到班無人卽過班用資深先資深先到班無

人卽過班用資深如候補郎中員外郎無人卽於現任員外郎主事內揀選題陞仍積留補之缺候補主事無人卽將員缺者部銓選至遇缺儘先等項人員如原係題選統補者遇額設題缺仍准酌量揀選保題如原係專補選缺祇准以留補選缺按班補用

題選統補主事保舉無論題選等項班次資俸在
前准補留補留題之缺

一各部主事保舉無論題選遇缺卽補等項班次者如

原係題選統補之日除過額設題缺由該堂官酌量
補用外至過選缺中留補及留題之缺適值資深到
班如其資深在前仍准論資序補卽積資深班之缺
若原係專補選缺人員既經保加班次則其原班已
斷祇准按所保班次歸勞績班補用資深到班不得
序補如有願將保舉班次註銷仍歸資深原班補用
者應以保舉班次奉

旨之日起至註銷文到之日止將其開日期扣除仍接算前
資歸資深班補用

資深先人員按行走日期補用

一 捐納分部人員續經中式進士奉

旨以本衙門員缺卽補者應歸於資深先班內按其行走日期儘先補用一人不積資深之班仍積留補之缺如行走日期相同再按其科分甲第名次序補不得奏補題缺如資深先尙未到班其資深原班到班仍准

按資序補

捐班議敘先補用

一 捐納分部人員又經議敘捐班到班先用者仍以留補

選缺補用不積留補之缺再有缺出仍准其扣留補用
各項不積缺人員補缺次序

一
京察一等調部奉

旨指定何部無論題選缺出卽行奏補人員遇有題選缺出
無論何項到班先儘此項人員奏補概不積缺至

京察一等調部照例配籤人員

不得補題缺及選缺中應
歸留題之缺如遇選缺中

留補者選之缺雖有學差任滿服滿

奏留之員仍先儘此項人員先補

學差任滿奏留

郎中員外郎以奏留之日主事毋庸奏留以差滿到
部之日與服滿奏留者比較奏留日期先後序補原

係專補選缺者不得補題缺

服滿奏留

如係專補選缺之員儘遇有因迴避開缺旋因原衙

門以無可迴避將該員奏請仍回原衙門當差亦係專補選缺之員遇有留題留補者選缺出先儘服滿

奏留補用一人再將迴避奏留原衙門

補用一人相開輪補均不得補題缺

原係在部候

補題選統補之員續經中式進士奉

旨以本衙門員缺卽用

遇有題選缺出卽行補用如有服滿奏留人員按其應得

題選各缺以該員中式進士奉

旨卽用

之日與服滿奏留之員奉

旨日期比較

先後補用如係同日先儘服滿奏留人員請補均不積各項班次之缺

俸滿宗

人府主事

起居注主事調部

不得補題缺及選缺中應歸留題之缺遇選缺中留補各選之

缺雖有病痊假滿奏留之員仍先儘此項人員先補概不積缺病痊假滿奏

留如原係專備選缺人員不得補題缺遇選缺中留補咨選之缺雖有特用及刑

部提半年滿並降補原部之員仍先儘此項人員先補其學差任滿服

滿病痊各員未經奏留者仍由吏部銓選如

經該堂官奏留先行在部行走者悉准按應

得題選各缺補用輪應擬補時均不積留補

咨選之缺其欽奉

特旨指明以何部補用並刑部提半年滿議敘

提半年滿

議敘與特旨指明以何部補用人員比較之處另有專條及奉

欽定吏部則例卷之五 銓選漢官

九

旨降補原部

如由郎中奉

旨以該部員外郎主

事降補之類原係專補選缺人員不得補題缺及選缺中應歸留題之缺

三項人員同時到班以提

半年滿議敘奉

旨之日與

特用人員奉

旨或到部日期並降補原部者奉

旨之日比較先後序補均不積各項缺分以上各項

人員遇有缺出均照例載次序議補至各該

衙門有曾任實缺緣事降革援例捐復原官

奏留補用人員准其遇有選缺中應歸留補之缺俟各項不積缺者無人或不合例准其

先行補用不積留補之班仍積留補之缺各

門各項報滿留部人員無論奏留先後總以

行走期滿之日爲斷俟奉

旨准其留部

後卽行知照吏部以期滿日期註冊週缺挨

次補用並將該員何日期滿何日奏留詳細

咨報吏部以備查覈如有未屆期滿先期奏

留者將該堂官及承辦司員照例議處其有

業經期滿尙未奏留週缺亦不准補如有期

滿日期相同者捐班仍以原捐名次先後補

用廕生仍按題廕先後題廕又復相同以題

疏名次先後題補如非一例報捐及有與廕

生同日期滿無可比較先後者卽應留員缺

由各該堂官公同籤掣名次擬補

亦令先期扣留並將擬補人員移咨吏部查

覈覆准後再行帶領引

見

至各衙門司員應選缺出如該衙門有應補人員准其照例扣留題補其應留之缺均應於每月二

十日截缺以前先行扣留如逾截缺之期卽將員缺歸選不准復行扣留請補至留補人

員查覈行文引見限期詳載本例內統俟捐班補竣之日仍

將應選各缺概行咨送吏部銓選

捐班主事補缺次序

詳載題補主事統較先後例內

禮兵二部選缺員外郎留補

一禮兵二部員外郎僅一選缺如有各項候補

人員准其儘數留補

輪補班次
詳載本例

如各項候補

無人准其先行留題本部主事二次再有缺
出送選一次如該部有曾任實缺緣事降革援
例指復原官奏留候補之員准其遇缺補用
實缺人員服滿奏留

一各部司官丁憂服滿俱令其於雙單月赴部
投供候補如經該堂官奏留先行在部額外
行走者並各項小京官丁憂服滿赴部經各
該堂官奏准仍留原衙門行走人員
查其從前係題選統補之員遇有應題應選

缺出仍悉准其題補如應題之缺應令該堂

官於本部應陞及候補奏留兩項人員內擇

其人缺實在相宜者秉公題補仍先期移咨

吏部查覈其從前例祇專補選缺之員服滿

後概不得兼以題缺奏留

原係專補選缺之員保舉無論題選

咨留輪補得缺者無論所補題缺選缺服滿

奏留後祇准其專補選缺並選缺中留題之

缺不得兼補如服滿奏留之員一部而積至

數員者以奏留日期先後敘補服滿病痊假

日期與出缺同日

者均不准擬補其同日奏留者按照服滿

投文日期先後敘補服滿投文日期又復相同者卽於查覈文內聲明吏部代爲掣籤以掣得在前者先行題補各該衙門有不按成例者吏部卽行駁回仍將該堂官照例議處
嘉慶五年十一月奉

旨嗣後吏部服滿奏留人員遇有缺出如不按照奏留日期先後敘補卽著稽查吏部之御史查明奏將該堂官交都察院議處欽此又嘉慶十五年二月奉
上諭各部額設司員以繁簡分別題選其選缺中班次

甚多非盡係捐班人員若題缺過多於一切選法皆屬有礙且各項分部人員統俟行走三年後該堂官嚴行甄別其不諳部務者自不得濫行奏留如果留心學習捐班申豈盡無可造就之材該御史何學林請將戶部兼總要務司分郎中員外郎主事一例改題於年深應陞人員內揀補其餘各部緊要之缺亦請酌量改題概不准捐班人員補用是欲嚴捐班人員陞轉之階而不顧紛更定制有乖政體也該部所擬是仍照舊例行欽此應欽遵

諭旨恭纂入例

實缺人員降革捐復奏留

一凡現任各官緣事降革後經援例捐復人員均應專歸吏部銓選此內如實有在部得力者其未經得缺以前亦准該原衙門奏留補

用補用班次詳載本例至業經臨選到班或由部選授

得缺該原衙門堂官概不得以藉資熟手爲詞奏請仍歸原部候補其有率行奏請者雖奉

旨允准吏部仍查明奏請更正並將該堂官照違例

保題例議處

特用人員補班

一奉

旨卽用及奉

旨以何項官員補用人員例有銓選專條其奉

旨指明以何衙門補用人員遇有題選各缺卽行補

用遇有提半年滿人員仍應比較奉

旨議敘各日期先後補用不積各項班次之缺至奉

旨以何項官員分部卽補各部儘先補用人員應俟

到部後與指明以何衙門補用人員一律補用其奉

旨以何項官員儘先選用照卽用人員之例無論雙單月不入班次卽行選用奉

旨以何項官員分部補用及奉

旨以何項官員分部行走並奉

旨以何項官員分部學習行走人員均俟到部行走

三年期滿奏留後遇有題選各缺應以期滿之日與各項到部候補並學習期滿奏留候

補人員比較到部期滿奏留各日期先後補用如未屆三年期滿仍照奉

旨補用人員定例選用其奉

旨以何項官員補用人員如有自行報捐分部行走者未經奏留以前仍照奉

旨補用人員定例選用如三年期滿已經奏留以後應照捐納分部人員俟有留補選缺資深到班與資深人員統較日期先後補用

候補人員丁憂服滿分別人文到部先後

一各衙門學習候補郎中員外郎主事小京官
丁憂服滿如服滿文到部在先進署當差在
後應按該員進署日期接算俸次序補如進
署在先服滿文到部在後應以文到吏部之
日作爲該員進署日期服滿文內如有遺漏
不合例之處辦理行查俟查覆准其起復後
如該員到部係在初次文到以前仍按初次
服滿文到吏部之日作爲進署當差日期如
在初次文到以後卽以進署日期接算俸次

其補缺應以數准起復後所出之缺按班序補
遇缺卽補等項人員分別歸班補用

一 郎中員外郎主事勞績保奏遇缺卽補字樣
無論是否相連但係四字皆全者歸於遇缺
班內補用如四字不全仍歸儘先班內補用
保奏儘先補用儘先陞用或卽補卽陞凡有
儘先及卽補先補字樣者均歸於儘先班內
補用遇留補選缺輪應勞績到班時先用遇
缺之人遇缺無人方用儘先之人保奏以陞

階補用陞用以應陞之缺陞用並無儘先等
字樣者遇留補選缺輪應勞績到班時如遇
缺儘先無人准將此項人員陞補如由學習
候補人員
保舉陞用並無免補本班字樣者均在署人
員保奏者以奉

旨之日比較先後補用離署人員保奏者應以銷假
到部之日與在署人員保奏奉

旨之日比較先後補用其有在署時保舉班次續因
事故離署者仍以原奉

旨之日比較先後補用其有保舉俟補缺後以陞階
用及由學習候補人員保舉陞用並無免補
本班字樣應俟得缺後方准照所保官階陞
用者均以補缺奉

旨之日與實缺候補人員保奏奉

旨之日比較先後補用學習人員保舉班次應俟期
滿奏留後以保奏原奉

旨之日比較先後補用學習人員保舉免補本班以
陞階補用應俟期滿奏留後方准以陞階候

補並以奏留奉

旨之日與他項人員保奏奉

旨之日比較先後補用凡由各項勞績保奏各員如
保舉官階班次相同仍按其在部行走日期
先後序補毋庸掣籤學習人員保舉免補本
班以陞階陞用並無留補字樣者令其離署
以陞階赴部候選

捐納人員分別試俸

一各部院捐納人員保舉以本職無論題選咨

留補用其所補之缺無論題缺

行走已滿十年方准補題

缺

選缺一律扣滿試俸方准照常陞轉至捐

納人員或保舉俟補缺後以陞階補用或因

保舉得缺續又保舉以陞階補用均無論所

補本職係題缺係選缺俱應扣滿試俸年限

方准按所保官階班次序補如捐納人員於

未經得缺之先因勞績保舉免補本班以陞

階補用其捐納原官已斷將來逕照保舉陞

階補用此項人員並無試俸可扣補缺後卽

准照例陞補

在部候補人員保舉外官離署

一各衙門學習候補人員勞績保舉以外任官階分發補用及以何項官階歸部選用於保

案奉

旨後速卽在行走衙門呈請離署並將離署日期知照吏部查覈其由學習候補保舉補缺後以外任官階分發補用人員將保案先行呈明該本衙門存查俟該員補缺奉

旨後卽以奉

旨之日作爲開缺日期如係應留之缺卽行知照吏部扣留如適值截缺日期開缺亦卽於當日知照吏部扣留如逾限始行留缺吏部卽照例將員缺歸於月分銓選

各項小京官補班

一六品以下各項小京官本係孤缺者卽照禮兵三部選缺員外郎之例辦理其大理寺寺丞評事中書科中書翰林院待詔均令其咨

留相閒以一缺咨送吏部銓選如有無論咨
留人員遇咨選之缺准其扣留擬補不積咨
選之缺再遇缺出仍咨部銓選以一缺扣留
本衙門留補遇有勞績保奏遇缺並儘先人
員與在衙門行走各員照各部司員勞績與
資深相閒輪補仍積留補之缺至光祿寺署
正因該寺候補人員倍多准其本衙門留補
二次後第三缺咨部銓選至輪應留補時遇
有勞績保舉遇缺儘先人員與在寺候補人

員相閒輪用仍積留補之缺如輪應第三缺
咨選時遇有保舉無論咨留人員准其扣留
擬補不積咨選之缺再遇缺出仍咨部銓選
光祿寺署正俟候補人員疏通後仍照舊例
一咨一留共捐班廕生比較先後補用之處
照各部司
員辦理

漢軍筆帖式議敘主事四缺後用

一漢軍候補筆帖式議敘得缺後作為額外主
事試俸二年以木衙門選缺主事四缺後用
應以補筆帖式試俸期滿之日積缺起遇有

選缺主事缺出除各項不積缺並留題咨選
各缺及資深先人員插用留補之缺不計外
實積勞績資深留補四缺之後如無各項不
積缺人員方准序補不積勞績資深班次仍
積留補之缺

熱河都統衙門辦事司員

熱河都統衙門添設隨同辦事漢司員一員
缺出由吏部行文刑部將熟悉刑名漢實缺
司員揀選二員咨送吏部帶領引

見請

青簡派一員前往三年期滿照例更換如果辦事受

協准該都統出考保奏送部引

見候

青陞用出郎中派往者給予加一級或交部議敘吏

部具題給予加一級由員外郎派往者以郎

中用或以本部郎中用

辦事司員如報捐陞階在任候選業經在

差次選投得缺期滿時應給予陞階任內加一級其未經選投得缺各員概不准由所捐所保陞階期滿儻不能稱職卽隨時叅奏撤時保加班次

同另行揀員更換

其辦理蒙古事務司員由理藩院揀選咨送吏部帶

領引

見請

旨簡派

至

例載滿洲官員揀選例內

至

派往辦事司員如論俸應陞京職時仍照例擬陞得

缺後卽行具題請

旨補授准照陞任食俸陞轉其所遺員缺分別題選

照例辦理俟該員回京之日補行引

見再郎中歷俸二年期滿例准截取以知府陞用如

辦事司員內有由員外郎派往者遇論俸擬

陞郎中准其以題准奉

旨之日起計扣俸滿截取

其郎中分別保送繁簡之處例載京官計俸例內

仍俟該員回京時由吏部行文該堂官照例

秉公出具考語併案帶領引

見記名陞用如由刑部推陞別部郎中在差所已歷

俸二年者由部咨明該都統分別繁簡出具

考語仍俟差竣回京之日送部引

見記名陞用其由郎中任內業已俸滿保送繁簡知府

記名續經

派往熱河都統衙門辦事者遇推陞外缺時亦照

派往出差人員之例即將京俸停其支領由吏部行文刑部揀員移咨吏部帶領引

見請

旨發往更替並令該都統飭令該員交代清楚回京引見令赴新任其幫辦司員一員亦定爲三年一換缺

由由吏部行文刑部於候補漢主事內揀派熟悉刑名者前往更換不得以無能者充數派往之後有始勤終怠者隨即撤回如果始終奮勉三年期滿由該都統出具考語送部引

見選缺卽補如三年期內輪補得缺准其先行題補
俟該員回京之日本衙門補行引

見仍以題補奉

旨之日計俸其三年期滿之處仍令該都統出具考

語送部引

見如奉

旨交部議敘具題給予加一級

吉林將軍衙門辦事司員

一吉林將軍衙門添設辦事漢司員一員由刑

部於正途出身之郎中員外郎內揀選

現任候補

人員一體揀選至滿司員揀選派

往之處詳載滿洲官員揀選例內其應行引

見及一切事宜均照熱河都統衙門司員之例辦理如派往後不能稱職該將軍隨時奏請撤回不得以無

能者充數如辦事妥協三年期滿照熱河都

統衙門司員之例酌加獎勵俟三年期滿由

該將軍出具考語送部引

見由實缺郎中派往者照例給予加一級外從優再

給予加一級由候補郎中員外郎派往者給

欽定吏部則例

卷之五

銓選漢官

三

予遇缺卽補從優再給予加一級由實缺員
外郎派往者以郎中用從優再給予加一級
或以本部郎中用從優亦給予加一級以上
由候補人員派往者如三年期內輪補得缺
期滿引

見均照例給予加一級外從優再給予加一級

同治三年十一月奉

上諭前因陞任內閣侍讀學士于凌辰奏吉林訟獄繁多請專設理刑大員辦理刑名當經諭令阜保查議

具奏茲據阜保奏稱吉林地處邊陲若添設監司大員則建立衙署及廉俸等項所費不貲請查照熱河刑司之例酌加變通等語著照所請卽由刑部揀派正途出身漢郎中或員外郎一員專司主稿刑部科甲出身主事一員幫辦主稿並再添派滿郎中一員專司掌印其原設之佐領著仍留一員幫辦掌印並辦理蒙古事件統歸吉林將軍管轄以資治理其原設之理刑主事一缺著卽裁撤所請該司員等三年期滿無過由該將軍出具考語送部引見並如何酌

加獎勵之處著該部妥議具奏餘著照所議辦理欽此欽遵恭纂人例

各部院司員揀派例有年限差使期滿不准
奏請留辦

一各部院司員揀派京外例有年限差使者除
例有明文准其留辦外其餘無論揀派京外
何項差使均俟期滿卽行奏請更換概不准
率行奏請留辦並於各該員將屆期滿之時
將期滿日期咨報吏部以備查覈如有期滿

不行更換仍將該員奏請留辦奉

旨允准之件吏部仍應查明請

旨更正以符定制

部屬等官出坐糧廳等差停其保題

一部屬員外郎以下並各項小京官凡出坐糧

廳寶泉寶源二局差以及京通各倉人員如

遇本衙門應行保題缺出概不准揀選題補

如員外郎出坐糧廳等差保題郎中並
出倉差之內閣中書保題侍讀之類

保留各項分部學習人員引 見

一各部院各項學習行走人員各堂官務當留心察看如果當差勤慎於年滿時考以本部則例條對詳明者該堂官等出具切實考語帶領引

見奏請留部如不能諳習或再留學習三年或各回吏部由該堂官隨時酌定據實咨部不准姑容吏部詳加稽覈除各衙門奏留人員不計外其咨出之員每年年終彙奏一次其外省試用人員各該督撫秉公察看隨時甄別於

期滿時考以大清律例查其能否熟習分別
繁簡補用其不曉律意文理荒謬者卽嚴加
甄別毋稍徇隱吏部每屆年終彙奏一次以
資查考而昭覈實

嘉慶十三年五月奉

上諭御史史祐奏請敕諭部院堂官及各省督撫照例
嚴行甄別捐班及各項學習試用人員以肅吏治而
勸人材一摺所奏甚是捐班各項人員在部院學習
行走及分發各省試用期滿該堂官督撫等均應秉

欽定吏部則例

卷之五

銜道漢官

三

公考覈川副澄敘官方之意前經明降諭旨著爲定例乃近日學習試用人員各部院堂官等無不奏請留用外省督撫等亦從未甄別一人未免相率因循意存姑息見好沽名市恩邀譽實爲近年內外臣工之通病試思學習試用字樣原以該員等初登仕版其才具堪以造就與否尙未可知若一味優容漫無區別必致庸劣之員亦得濫竽僥倖其何以示懲勸而別賢愚嗣後該堂官督撫等惟應恪遵定例嚴行甄覈儲該員等學習試用期滿時稍存遷就或於保

奏之後致有貽誤曠職情事卽惟該堂官督撫是問
必當加以懲處設更有婪贓犯科者並將原保之堂
官督撫等加倍治罪勿得視爲具文也欽此又奉

上諭昨據御史史祐條奏請嚴行甄別捐班及各項學
習人員一摺已明降諭旨飭令秉公考覈毋得市恩
邀譽冒干咎戾該部院堂官等若仍視爲具文一味
優容見好不復加之澄汰固屬甘蹈愆尤儻經此次
嚴飭遂有意從苛將學習行走人員不辨賢愚優劣
於期滿後率多各駁恐亦不免屈抑人材若俟帶領

引見時專候朕裁該員等平日賢否勤惰既難一望而知且其才具堪以造就與否亦不能盡以貌取嗣後捐班及各項學習行走人員如果堪以奏留者於報滿時著該堂官等出具切實考語帶領引見不得僅以留心部務行走勤慎虛詞含混搪塞若才具平庸隨時甄別奏駁亦不必專候期滿庶免壅滯而收實益欽此又嘉慶十五年正月奉

上諭向來分部行走人員三年期滿例應由各該堂官未公考察分別去留原爲嚴實程材之道經朕節次

降旨誥誦訓飭乃近日各部院堂官於學習人員報
滿時往往以該員等行走已歷三年一經澄汰未免
舛望遂爾概行保留藉以沽名釣譽殊不思各部院
大臣經理政務自應綜覈名實以公事爲重各司員
有分理庶事之責總當視其人之才具能否勝任不
可曲徇人情多爲遷就且該員等甄別改用之後亦
尙有官可補不致終於廢棄又何所用其瞻顧耶爾
後各該堂官務於行走人員隨時留心察看報滿將
應去應留秉公覈實甄別無涉冒濫以副朕澄敘官

方至意欽此又道光二年八月奉

上諭朕本日恭閱

皇考仁宗睿皇帝實錄內載嘉慶十六年六月奉

聖諭部院捐納各員俱係籤分學習行走既云學習則必有優劣之殊該堂官於行走年滿時自當詳加甄別乃近來各該堂官於捐納報滿人員無不保留一味市恩邀譽祇圖見好於人不顧登進之濫不辨賢否之別近來大員俱中此病朕實寒心等因欽此仰見皇考澄敘官方隨時訓飭至意朕思各部院行走司員

不獨捐納一項卽正途出身人員籤分學習於行走年滿時亦照例由該堂官察看分別奏留此等人員奏留後卽可循資得缺以次海陞迨俸滿截取便膺外任若於奏留時不嚴行甄別則庸劣闖茸之員均得濫等充數一經外任必致貽誤地方不可不慎之於始嗣後各部院堂官於所屬學習行走年滿司員無論捐納正途務當破除積習秉公和衷據實甄別毋得瞻徇情面濫行奏留如有任意姑容不加察覈將來該員得膺外任引見召對經朕看出或別經訪

聞查有劣蹟惟該堂官是問將此通諭知之欽此又

道光九年二月奉

上諭各部院學習行走人員才具優劣差使勤惰並其平素行止若何該堂官俱當留心察看於其行走年滿時嚴定去取分別咨留始無浮濫近來各衙門報滿之員該堂官多係保留而咨回吏部者甚少未免無所區別著通諭各部院堂官嗣後務將所屬賢否秉公查察於應留者准其奏留不應留者卽據實咨部不准姑容並著吏部詳加稽覈除各衙門奏留人

員不計外其咨出之員每年年終彙奏一次以資查考而昭覈實欽此又道光九年二月奉

上諭御史葛天柱奏各省分發人員請飭嚴行甄別一摺各省分發道府州縣及丞倅佐貳到省後或委署地方或派審案件一切均關緊要若不認真稽覈一概照例保留漫無區別則庸冗之員必致貽誤於吏治甚有關繫著通諭各督撫於分發各員秉公察看務當破除情面隨時甄別不准稍事姑容著吏部每屆年終彙奏一次以資查考而昭覈實欽此又咸豐

欽定吏部則例

卷之五

銓選漢官

四

元年九月奉

上諭各部院學習行走人員年滿向由該堂官嚴定去取分別咨留近來各衙門報滿之員奏留者居多咨回吏部者甚少未免無所區別道光九年曾奉

諭旨各部院堂官務將所屬賢否秉公查察於應留者准其奏留不應留者卽據實咨部不准姑容

聖訓煌煌允宜遵守著通諭各部院堂官於學習行走人員務當留心察看如果當差勤慎始准保留儻有辦公疎懈或於該衙門不甚相宜者卽照例咨回吏

部候選不得概行保留致滋浮濫其業經留部人員或始勤終怠亦著隨時淘汰毋稍瞻徇以副朕澄敘官方至意欽此又同治五年三月奉

上諭翰林院檢討董文渙奏吏治廢弛請飭內外臣工講求律例以資整頓一摺律例有關政治庶司百職平日均應加意講求精思熟習乃近來內外臣工於律例漫不經心以致劣幕奸胥得以把持朦蔽吏治廢弛率由於此著各部堂官於學習人員奏留時考以本部則例條對詳明者方准奏留如不能諳習或

咨回吏部或再留學習三年由該堂官隨時酌定其
外省試用人員亦著各該督撫於期滿時考以大清
律例查其能否熟習分別繁簡補用其不曉律意文
理荒謬者卽著嚴加甄別毋稍徇隱經此次嚴諭之
後內外大臣務須通飭所屬各員平日講明律例於
公事詳細剖決毋得假手胥吏幕友任意顛倒以除
積弊而正紀綱將此通諭知之欽此欽遵恭纂入例

一捐納分發各部寺院學習人員除辦事勤奮

照例三年期滿准其奏留及庸劣之員隨時

甄別外其有才具中平差使尙無貽誤者准其再留二年若至二次三年期滿部務仍未諳練卽據實咨部照例銓選不得再請留部以示限制

京察一等已遞陞用人員不准復將一等帶於新任
一各部院滿洲漢員由員外郎任內

京察一等者准其先儘題陞郎中若

記名外用者無論曾否題陞均准與一等

記名之郎中一體開列請

古簡放道府其由主事任內得有一等者准其先儘

題陞員外郎如

記名外用者祇准以直隸州用遇有直隸州知州陞

授知府遺缺請

旨簡用

由軍機處開列
夾單請

旨如未及外任旋陞員外郎者

不得仍帶一等陞用道府其未經

記名之員陞任員外郎後亦不得復帶一等先儘題

陞郎中

凡小京官以下一等人員已經先
儘保題均照此例不准帶於陞任

各衙門

京察一等調部

一宗人府漢主事並

起居注滿漢主事大僕寺鑾儀衛滿主事及與主
事陞轉相同之滿漢都察院都事經歷大理
寺寺丞太常寺滿洲寺丞光祿寺滿洲署正
等官遇

京察准其一等者仍由各該堂官於此內揀有將
來堪膺外任之員再行加具考語保送吏部
彙齊帶領引

見恭候

欽定以六部主事調補引

見時有奉

旨指定何部行走者無論該部題選缺出卽行奏補
未經指定部分者吏部籤掣部分令該堂官

遇有應歸部選之缺卽行補用

如同係京察調部有同

日到部者應比較本任俸次先後補用如宗人府主事都察院都事調部應照宗人府主事都察院都事各本任之俸分別先後此內有漢軍與漢人同日調部者其漢軍人員亦照漢人之例祇以本任之俸算計並各該部有服滿奏留候補者如遇缺出仍照例將由現任京察等調部卽川之員奏請補用
如果才具出衆遇下

京察仍准列入一等保薦調部後無論已未得缺
遇該員論俸應陞之處仍照例推陞

宗人府 起居注主事 京察二等調部

一宗人府

起居注漢主事遇

京察准其一等者仍照向例調部如

京察一等無人方准於二等人員內歷俸五年以
上者由該衙門出具考語咨送吏部帶領引

見恭候

欽定以六部主事調補遇有選缺出時先儘補用

如該

部有服滿奏留人員仍先儘服滿奏留人員先補不得照一等調部之例統行壓班以示區別至分部配籤按各部額設選缺均勻配籤以最少缺分之部覈計三缺配籤一支餘一缺二缺者毋庸配籤所贖之籤歸於下次再掣如祇贖一部之籤再行配籤一分將前贖一部之籤歸併統掣非進士出身扣除吏禮二部若二等人員於

京察時歷俸尙未期滿俟扣至五年期滿之日准

其補行調部宗人府主事設三年

京察之內俸滿已有二員亦祇准將俸深一員調

部其餘一員俟下屆

京察後再行辦理如已有

京察一等人員調部二等人員在三年

京察之內雖俸滿亦不准調至宗人府及

起居注主事

京察列入三等者均不准其調部

其餘各衙門
京察一等應行

調部之員其一等或係滿漢併計
或係各項統計不得援照辦理

滿漢郎中揀選道員

一六部滿漢郎中遇有奉

旨保送道員之時令該堂官一同揀選保送帶領引

見請

旨如蒙

恩准記名交與吏部註冊俟有應行請

旨之缺及奉

旨扣除揀選等缺吏部一併帶領引

見請

旨簡用

京察

記名編檢照開坊人員請

旨

一翰林院編修檢討

京察保列一等奉

旨記名人員吏部於各該員名下將是否俸次在二

十名內已符開坊引

見之例詳細註明以備稽覈其俸深例得開坊者俸

編檢列名開坊例載翰
磨開坊引見條內准照開坊人員一體請

旨簡放道府如未經

簡用道府又經開坊除陞任正六品國子監司業並
陞至正五品庶子以上係屬京

堂應毋庸進單請
如陞任中允贊善侍讀侍講洗馬等官旨簡放道府外並由

司業陞任侍讀以下等官者應仍行進單以

道府

例放如遇各省奏請揀發道府奉

旨交部將

記名人員揀選者亦卽照此一體分別傳挑

內閣侍讀中書

一內閣漢侍讀二員無論雙單月遇有缺出先

儘應補之人如無應補其補缺班次一律照

滿洲侍讀之例先用勞績一人勞績保舉人員按奉

旨日期先後補用仍候行次用資深一人輪
走扣滿十年方准擬補

川資深時由內閣於典籍中書內先儘曾經
京察一等人員揀選擬定正陪咨送吏部帶領引
見補授與各部員外郎一體輪俸陞轉其內閣漢典
籍缺出雙單月先儘應補之人如無應補用
俸深中書具題管事內閣漢中書如遇行走
期滿無人及在部投供各班僅祇一二員吏
部卽照考試國子監學正學錄之例請

旨傳令應考之進士舉人赴部報名奏請

欽派大臣考試擬用四書制藝一篇經史策問一道

恭請

派出之閱卷大臣考試

其一切考試事宜詳見國子監監丞等缺及各項考試處

所條

內酌量擬取照例覆試後由吏部帶領引

見請

旨記名挨次選補俟有缺出雙月先儘應補之人如

無應補用考取二人捐納一人

輪用捐班時無論分先分

開儘先本班各按各班以科甲二人單月先

儘應補之人如無應補用考取一人捐納一

人其考取班內用進士一人舉人二人輪流

補用如舉人無人其進士考取之員應與新

進士引

見以內閣中書補用人員作爲兩班各按本項名次

考取

記名者按考取

記名次序新

進士引

見以中書用者按甲第先後

分班輪用

輪應進士到班用進士考取一人再到班時用新進士錄用一人如

進士考取無人則用新進士錄用之員

如新進士錄用無人則用進士考取至應

補人員俱按投文日期先後挨次補用與考

取捐納各項人員一體按月赴部投供驗到

遇有缺出由部挨名帶領引

見補授至擬補日期照滿洲月選之例於每月三十日截缺下月初三日議官傳令擬補之員三日內赴部驗到聽候帶領引

見儘擬補之員於未引

見以前遇有丁憂治喪等項事故者將來服滿仍歸原班銓補如在引

見以後歸入應補班銓補其有告病終養人員具呈時業已見缺毋庸覈計截缺先後概令坐補原擬補之缺至擬補人員於未引

見以前呈請告假者亦不得逾本月三十日之限逾
限卽行開缺將來銷假亦令坐補原擬補之
缺以上各項所遺之缺如在未引

見以前出缺者仍按原出缺月分將原班其次合例
之員擬補如在引

見以後開缺者將原缺歸於下月以其次到班之員

照例擬補其考取者試俸一年由勞績保舉
補授者卽照

考取之例捐納者試俸三年其應補人員補
缺後如前已實

授者毋庸再令試俸若未經實授俱令前後接算聽內閣考覈稱職

移送吏部具題准其實授其由庶吉士散館及大考改用中書並新進士以中書補用已

經期滿甄別之員補授者補缺後卽准其一

體陞轉毋庸再令試俸一年

未經甄別由部選得缺者仍照

例試俸一年方准實授

至考班捐班未經得缺在閣行

走人員自到閣之日起扣滿一年內閣察看

勤奮咨部存案其雙單月缺出俱先儘應補

之人如無應補先將一缺咨送吏部按班將

考捐及各館議敘人員銓補

各館議敘人員應按其班次等

第悉歸部選一缺准內閣扣留於額外行走人員

內將考取捐納分爲兩班各按行走日期輪

班指擬在前者一員移送吏部帶領引

見補授

至本衙門應留缺出在每月三十日截缺以前扣留到部者准其扣留如逾截缺之期始

行扣留者卽將

員缺歸部揀補

如捐班無人方准考班抵補

雙單月各照補用班次進士

一人舉人二人輪流分抵

考班無人方准

捐班抵補

雙單月各照補用捐納正班次序科甲二人貢班一人輪流分抵

如用應補人員不積咨留之缺其報滿人員

如同日到闈仍按原班名次先後如原班名

次在前行走資格在後或原班名次在後而
行走資格在前者無論曾否報滿俱仍准投
供歸原班銓選如有告假等事咨部備查至奉
旨以內閣中書卽用人員歸於不論雙單月遇缺准
其先用其奉

旨以內閣中書用及由內閣中書緣事降革後經開
復原官並庶吉士散館奉

旨以內閣中書用者均歸於不論雙單月除應補並
內閣扣留之缺不計外以奉

古之日積缺起由部揀補之缺一併計算五缺之後

補用一人

宗人府主事

一宗人府漢主事二員由進士出身之小京官

內揀選缺出吏部先行擬定日期將應行與

挑人員概行傳齊屆期開列大學士九卿

除吏

部堂官毋
庸開列職名奏請

款派俟

派出後卽於本日起

天安門外吏部

朝房會同吏部公同揀選毋許稽遲如有遷延後
期者吏部查明叅奏其揀選之員交與吏部

帶領引

見補授與各部主事一體論俸陞轉

起居注主事

一

起居注漢主事一員令翰林院掌院學士於進士

舉人出身之現任中書內揀選引

見補授與各部主事一體論俸陞轉

國子監監丞等缺

一國子監監丞典簿缺出先儘應補之人如無人卽以守部之進士舉人不論雙單月一併歸入月分掣補先掣京缺再掣外缺若月選知縣科甲不能到班卽以名次在前者選用

銓選班次
載月選例與捐納之員輪流用仍隨月官

考試驗看如其人年力衰邁不堪勝任卽於擬備知縣之進士舉人內另行挑補一體帶

領引

見恭候

簡用指指人員以名次在前者帶領一人引

見助教缺出由國子監於學正學錄內揀選擬定正

陪咨明吏部查覈如無不合例事故准其保

題引

見陞用俟學正學錄陞用二次後用捐納一人輪用

捐納時定爲一咨一留一缺送部揀補一缺

准國子監將期滿奏留行走在先之員扣留

補用仍照例試俸三年學正學錄如投供無人會試後吏部於歸班進士內按照甲第名次通行帶領引

見請

首記名其應用人數查明已未補用者若干員屆期酌擬奏

聞恭候

欽定遇有缺出按名次先後指擬一人帶領引見補授如遇缺出之員充補吏部卽行奏明請

旨傳令應考之進士舉人赴部報名並請

欽派大臣考試仍擬用四書制藝一篇經史策問一

道恭請

欽命試題卽發交

派出之閱卷大臣考試

其一切考試事宜另有專條詳見各項考試處所條內

按其文理酌量擬取擬定名次與試卷一同進

呈仍交吏部照依名次帶領引

見如奉

青記名者俟有缺出亦按照名次先後指擬一人引

見請

青補授其考取之員應與新進士引

見以國子監學正學錄補用人員作爲兩班各按本

項名次

考取

記名者按考取

見以學正學錄

記名

用者按甲

分缺

用一缺用考取一缺用新

進士兩班相間輪用如

考取無人專用新進士錄用之

員如新進士無人卽專用考取

補比照內閣中書之例雙單月統計一咨一

留應歸部揀補之缺雙月將進士錄用與進

士舉人考取之員輪用二人後用捐納一人

單月將進士錄用與進士舉人考取之員輪

用一人後用捐納一人

輪用捐班時無論分先分開儘先本班各

按各班以科甲二人貢班一人相間挨卯選用

其應留之缺由國子

監將考取捐納分爲兩班輪留咨補考取人

員照考取中書先行到閣行走亦准其呈請

分發其學習期滿日期無論考取捐納與報

捐分發之助教一律扣滿三年方准奏留補

用雙單月遇有缺出先將一缺送部按班揀

補一缺准國子監扣留將進士錄用及進士

舉人考取之員與捐納分爲二班各按行走
日期分班輪擬在前者一員送部引

見補授考班無人卽以捐班抵補捐班無人卽以考
班抵補進士出身人員亦准其報捐捐納人
員應扣試俸年限卽照內閣中書之例覈辦
至應補之國子監助教及學正學錄人文到
部雙單月遇有缺出應先儘應補人員引

見補授不積各班之缺其報捐分發及呈請分發各
員由國子監分派六堂學習行走扣滿三年

如果始終勤奮才堪造就者由國子監出具
切實考語奏明帶領引

見仍留在監行走咨部俟有缺出照例補用如文理
生疏不堪訓課而年力精壯尙能辦事者咨
部以對品改補令其赴部投供候選助教照
現任改補之例以變儀衛經歷中書科中書
詹事府主簿光祿寺典簿京府經歷等官歸
於雙單月捐納班內到班時與本項報捐名
次在先人員彘掣先後選用學正學錄以從

八品之國子監典籍歸於雙單月捐納班內
照助教改補之例辦理其考取分發人員如
未經奏留仍歸考取原班歸部揀補國子監
博士雙月缺出用科甲捐納一人外班出進
士舉人出身之教授陞用一人京陞由學正
學錄內論俸陞用一人單月缺出用應補一
人科甲捐納一人京陞由學正學錄內論俸
陞用一人國子監典籍仍照品級考將應陞
之人陞補至分部學習期滿進士因才具平

常不能留心部務奏明以國子監監丞助教
改補之員照奉

旨改補日期註冊令其在部投供如無應補之人監
丞不論雙單月扣足限期先准銓選助教由
國子監於學正學錄內陞用一次後再將學
習期滿進士改補之員補用一次由吏部帶
領引

見補授助教一項如國子監無合例題陞及候補人
員是月應選亦無在部投供候選合例之人

准該監將奏留在監候補之監丞比照外省
正從對品借補之例借補咨明吏部查覈如
無不合例事故由該監帶領引

見請

青補授卽積該監留補之缺其借補助教之監丞仍
照原銜食俸陞轉

國子監博士等官甄別改補留任保題

一國子監博士助教聽該監隨時秉公驗看如
文理生疏不堪訓課而年力精壯尙能辦事

者咨明吏部以對品之鑾儀衛經歷中書科
中書詹事府主簿光祿寺典簿京府經歷等
項改補其學正學錄內如果有文學優長訓
課有方者遇論俸推陞得缺時准其奏明請
旨仍留本任俟該監有助教缺出照例題補

翰林院待詔孔目等缺

翰林院待詔員缺不論雙單月歸入月分銓
選先儘應補之人如無人於應選知縣舉人
內掣補先掣京缺再掣外缺若月選知縣不

能到班卽以名次在前者選用

銓選班次仍
載月選例

隨月官考試驗看如或人已衰邁不堪勝任

卽於擬備知縣之舉人內挑補一併帶領引

見恭候

例用孔目員缺不論雙單月先儘應補之人如應補

無人雙月用考取二人捐納一人單月用考

取一人捐納一人如捐納無人俱考取補用

至應用考取時吏部移咨各館於修書恩拔

副貢考取如不得人行文國子監咨取現在

肄業之恩拔副貢考用由吏部奏請

欽派大臣並請

欽命論題一道考試擬定正陪帶領引

見請

旨補授孔目一項如在部無投供候選人員咨取各館修書及國子監肄業之恩拔副貢考用如均無人卽示傳在京之各省恩拔副貢考用如再無投結報考之人卽將在部投供候選之翰林院待詔比照外省大銜借補小缺之

例借選孔目其借選孔目之待詔仍照原衝
食俸陞轉

順天府治中題補

一順天府治中職司府尹衙門委審四路州縣
案件缺分繁要遇有缺出該府尹等照例於
順天府屬及直隸各屬通判知州並京縣知
縣內揀選擇其熟悉四路情形長於聽訟者
具題引

見補授如應陞人員內或本任緊要或人地未宜一

時實無合例堪陞之員准於對品人員內揀選調補如遇

京察一等奉

旨以應陞之缺陞用者遇有直隸應題知府缺出以應陞人員請陞時如順屬直屬同知直隸州知州無卓異合例人員准直隸總督會同順天府府尹等將以應陞之缺陞用之治中與順屬直屬勞績應陞及循例應陞人員一體酌量陞用

順天府四路同知揀補

一京畿四路捕盜同知缺出先以大興宛平二縣知縣內酌量揀選請陞不計有無卓異儘該二縣甫經到任或不得其人仍先儘順天府屬人員揀選能駕馭捕役緝盜有方之員請陞毋庸先儘卓異人員請陞如大宛二縣與順天府屬人員人地俱不相宜再於直隸屬各員內先儘卓異人員陞補如卓異無合例人員始准以勞績應陞人員陞補不積

輪陞班次再有缺出仍以大宛二縣知縣酌量請陞如已用過大宛二縣輪陞之後接用順天府屬人員請陞應積順天所屬與直隸閩屬人員請陞輪次其餘直隸閩屬同知缺出先以大興宛平二縣知縣揀選陞補一次再以順天所屬並直隸閩屬人員內揀選陞補二次輪補大宛二縣應陞時順天府府尹以揀選不得其人或由甫經到任尙須試看之處咨明直隸總督其缺仍歸順天所屬並直

隸闔屬人員陞補不積輪陞班次再有缺出

仍於大興宛平二縣內揀選

大宛二縣輪陞到班不計卓異

至以順天所屬並直隸闔屬人員內揀選時

如將應陞之員陞用應令將卓異引

見回任候陞人員先儘陞用不得於摺內聲稱人地

未宜以別項人員請陞如有聲敘卓異人員

人地未宜不行請陞者卽照不在例准聲明

之例議駁若該省無卓異合例人員始准以

勞績應陞之員及循例應陞人員揀選陞補

其各項著有勞績應陞人員如實因人地未
宜於摺內聲明方准於合例各員內照例請
陞之處詳載官
員題陞條內 如揀選不得其人卽於現任

理事同知通判內擇其才具優異者奏請調
補儻保題陞調各員有公務廢弛遺誤地方
者將該府尹等照保舉不實例議處歷俸三
年期滿如果緝盜安民著有成效准該府尹
等會同直隸總督出具切實考語咨送吏部
帶領引

旨准以應陞之缺陞用仍令回任候陞將該員歸於
卓異班內與卓異人員統較奉

旨日期先後陞用仍著該府尹等認真查察必須實
有循績方准保送毋許稍濫其引

見奉

旨著回任者毋庸給予應陞令其回任供職

順天府屬州縣保題同知直隸州並佐雜陞調

一順天府屬州縣題調各缺大興宛平二縣知

縣爲附京首邑政劇差繁遇有應陞缺出令

該府尹於順天所屬各縣內詳加遴選出具切實考語保題仍令該府尹隨時考察其餘二十二州縣內應行題調缺出亦由該府尹於所屬各員內揀選題調均會同直隸總督列銜如順天所屬官員一時無可保題者再由該府尹咨行直隸總督於通省人員內揀選保題陞調令總督主稿仍會同府尹列銜其佐雜要缺凡係順天所屬者亦歸府尹揀選陞調僅保題陞調各員有公務廢弛貽誤

地方者將該府尹等照保舉不實例分別議處至大興宛平二縣知縣未經及典史並大興縣縣丞歷俸三年期滿如果辦事勤慎才猷練達者該府尹會同直隸總督出具切實考語移咨吏部帶領引

見請

旨照例陞用其宛平縣縣丞稽查一切煤窑事務尤爲緊要歷俸三年期滿如果實係賢能有守有爲該府尹會同直隸總督出具切實考語

移咨吏部帶領引

見請

旨卽以知縣題陞

如大興宛平二縣縣丞典史缺出因無合例可調之員奏請於品級

相當候補人員內揀選引

見補授者揀

選之員卽照現缺陞轉如直隸州州判揀補

縣丞卽照京縣縣丞陞轉其有因公降革留任之案帶於

新任扣滿年限另請開復不堪保薦者不必

拘定年限卽以外縣簡缺題咨調補或分別

題參議處以上題咨陞調補用人員任內一

切因公處分皆毋庸計算如順天並直隸各

同知缺出

順天四路廳並直隸閩屬同知統計

先以大興宛平

二縣知縣陞補一次

不計卓異人員

再以順天所屬

並直隸閩屬人員內

先儘卓異人員

陞補二次

除遵化易

州兩直隸州知州缺出另立輪陞班次外其餘直隸州知州亦照同知一律辦理

輪

屆京縣應陞時順天府尹以揀選不得其人

或甫經到任尙須試看之處其缺仍歸順天

所屬並直隸閩屬人員陞補不積輪陞班次

再有缺出仍於大興宛平二縣內揀選其直

隸州內遵化易州兩直隸州知州缺出

二州合併

欽定吏部則例

卷之五

銜班次

奇

橫缺另立
銜班次

先以大宛二縣知縣酌量揀選陞
補一次次以清苑縣知縣陞補一次又以大

宛二縣知縣酌量揀選陞補一次再於順天

所屬並直隸閩屬人員內酌量揀選陞補一

次復以大宛二縣知縣酌量揀選陞補一次

至第六缺以天津縣知縣陞補一次以六缺

爲一週其輪應各項到班如陞補之員不合

例卽虛積過班接用其次之班輪應大宛二

縣並清苑天津縣知縣陞補時均不計卓異

人員

其順天所屬及直隸屬人員內雖有卓異人員均不得越次請陞以示區別

輪應於順天所屬並直隸屬人員內揀選

時

清苑天津兩縣知縣與順直兩屬人員一體酌量大宛兩縣不在其內如將

應陞之員請陞應令將卓異引

見回任候陞人員先儘陞用不准於摺內聲稱人地

未宜以別項人員請陞

至該省無卓異合例人員准以勞績及循

例應陞人員揀選並勞績應陞人員如實因

人地未宜於摺內聲明方准於合例各員內

照例請陞之處俱

詳官員題陞條內其清苑天津兩縣知縣如

亦係卓異合例應陞之員准其一體酌量陞

補不積清苑天津輪陞之班

此外各直隸州知州缺出仍按

大宛兩縣陞補一次順屬直隸人員陞補二次陞補順屬直屬時清苑天津與各州縣比較先儘卓異應

陞人員陞用

京學教職調補

一順天府學教授訓導二缺令直隸總督會同學政於通省現任教職內揀選人品端方學問優長者具題調補六年俸滿准其一體保題陞用

刑部提牢官

一刑部提半官一員由本部堂官於額外及試
俸並捐納分部主事內一體揀選一員擬定
正陪帶領引

見請

青簡用管理一年果能稽察防範勤敏無過俟期滿

後仍由該堂官具奏移咨吏部額外及捐納

分部者遇缺具題補授

如輪應提牢期滿到
班時遇有特用

並降補原部之員應以提牢年滿議敘奉

旨之日與

特用人員奉

旨之日

及到部之日並降補原部人員奉

旨之日

日及到部之日比較先後序補不積各項缺

欽定吏部則例

卷之五

銓選

癸

分例載各部
可官條內 原應試俸者無論所補題缺選
缺俟扣滿試俸再行陞轉至捐納分部之員
未經期滿題補之先如本班遇有應選之缺
仍准按班銓選

刑部司獄

一刑部漢軍司獄二缺由刑部於漢軍筆帖式
內揀選幹練之員帶領引

見補授照滿洲司獄不必出缺俟三年無過移咨吏

部照依本品級

七品筆帖式以知縣用八
品筆帖式以通判用九品

軍帖式以州同俱歸於卽陞班內陞用

其加班銓

選之處另詳漢司獄二缺無論雙單月遇有

選法雜條內缺出將應補之人與指指人員分班輪用帶
領引

見請

旨補放如應補無人專用捐納俟捐納用完之日吏
部於從九品候補候選人員內一體揀選捐
納人員按照捐納日期先後挨名指擬一人引

見補授至擬補日期照滿洲月選之例於每月二十

日祇缺下月初三日議官傳令擬補之員三日內赴部驗到聽候帶領引

見僣擬補之員於未經引

見以前遇有丁憂治喪等項事故者將來服滿仍歸原班銓補如在引

見以後歸入應補班銓補其有告病終養人員具呈時業已見缺毋庸覈計祇缺先後概令坐補原擬補之缺至擬補人員於未引

見以前呈請告假者亦不得逾本月三十日之限逾

限卽行開缺將來銷假亦令坐補原擬補之缺所遺之缺如在未引

見以前出缺者仍按原出缺月分將原班其次合例之員擬補如在引

見以後開缺者將原缺歸於下月以其次到班之員照例擬補三年無過該堂官出具考語咨送吏部以從九品應陞之缺卽行陞用仍先以對品之各省從九品員缺歸於單月應補班之前改補不積補班之缺將卽陞之案帶於

新任候陞儻三年內有叅罰事故仍不准陞
俟咨送吏部後照依司獄對品之缺歸於單
月與應補人員較文到日期先後改補

盛京刑部司獄期滿卽陞

一
盛京刑部司獄六年俟滿查其任內並無叅罰事
故准該堂官咨報吏部人於卽陞班內以外
省司獄應陞之官照例在任候陞

禮部鑄印局大使

一 禮部鑄印局大使一員由禮部於現在儒士內揀選移咨吏部題補五年任滿果無過誤該堂官出具考語咨送吏部以未入流應陞之缺歸於雙月卽行陞用儻五年內有參罰事故仍不准陞俟咨送吏部後照依大使對品之缺歸於單月與應補人員較文到日期先後改補

司坊官員

一 五城司坊官員內西北兩城正副指揮吏目

均作爲繁缺由都察院堂官督同巡視御史

先儘現任人員內遴選精明練達之員調補

如現任中才難勝繁或人地未宜或本任緊

要未便更易一時實之堪調之員准於揀發

在城各員內揀員請補其在城差委各員內

無論曾任初任如係著有勞績保奏儘先揀

補之員亦准一律揀補於揀發委用及差委得有勞績保奏儘先

補用人員揀補時應先儘在城正道出身人

員揀補正途出身無人始准於在城各項出

身人員內揀補如以揀發在城人員擬補應

一律扣出缺月分投供如擬補之員於出缺

月分未着投
供應卽議駁
仍於揀定後先期咨部查明現

任之員有無展參處分例關降調不准離任
之案候補各員有無各項事故是否合例統
俟覈覆到日由都察院堂官出具切實考語
自行帶領引

見調補補授

調補所遺銜缺定於是月三十日候缺之前咨部照例擬補 其東南

兩城及中城正副指揮吏目員缺均作爲簡

缺遇有缺出吏部將出缺月分投供之應補

人員與捐納人員分班輪用帶領引

見補授捐納人員按照捐納日期先後挨名指擬一人如輪用應補時應補無人正指揮將進士出身之應補知縣按文到日期挨次擬補如應補知縣無進士出身人員則將應補之通判擬補如再無人則以對品之候選正六品通判正途出身並應陞之候選知縣內進士出身人員揀選副指揮如應補無人將舉人出身之應補知縣按文到日期挨次擬補如應補知縣無舉人出身人員則將應補之州

同擬補如再無人將候選州同正途出身者
揀選一次候選知縣內舉人出身者揀選一

次教習期滿各項議敘由舉人出身之候選

知縣揀選一次

如正途出身州同無人卽以其次之項揀補計算均不遺

班如再不敷亦照品級考於應陞副指揮之

候補州判等官內正途出身人員揀補吏目

如應補無人先儘應補正從九品內之廩增

附生出身人員揀選無人則於應補正從九

品內揀選如再無人則專用捐納捐納無人

再於候選正從九品內揀選至揀補各缺擬

補日期照滿洲月選之例於每月三十日截

缺咨報開缺日期詳載下月初三日議官傳

令擬補之員三日內赴部驗到聽候帶領引

見僅擬補之員於未引

見以前遇有丁憂治喪等項事故者將來服滿仍歸

原班銓補如在引

見以後歸入應補班銓補其有告病終養人員具呈

時業已見缺毋庸覈計截缺先後概令坐補

原擬補之缺至擬補人員於未引

見以前呈請告假者亦不得逾本月三十日之限逾
限卽行開缺將來銷假亦令坐補原擬補之
缺以上各項所遺之缺如在未引

見以前出缺者仍按原出缺月分將原班其次合例
之員擬補如在引

見以後開缺者將原缺歸於下月以其次到班之員
照例擬補至正副指揮缺出應以進士舉人
出身之應補知縣及應補通判州同擬補時

如出缺在二十日以前者將本月應選之應
補人員按文到日期擬補如二十一日以後
出缺到部適值知縣及通判州同亦應用應
補人員先儘文到日期在前之員擬選知縣
通判州同外其文到日期在後者擬用正副
指揮再每月知縣班內正選之外又應擬正
備再備者二十一日以後適遇正副指揮出
缺輪應進士舉人出身之應補知縣抵補到
班應俟月選知縣引

見後仍照上月投供按文到日期再行擬補補授之

後正指揮由通判揀補者照原銜陞轉知縣

揀補者照現缺陞轉同指揮由州同及州判

等官揀補者照現缺陞轉知縣揀補者照原

銜陞轉其吏目由正從九品人員揀補者各

照原銜陞轉

正副指揮吏目由別項抵補借補人員俸滿保薦應陞於雙月

照例陞轉到班時無論有無保舉本班先用人員將抵補借補者先行陞用一人不積正班之缺其照例陞轉班次及有本班先人員仍照定額陞用

到任一年後

有情願急公者准其捐陞離任未滿一年者

概不准捐三年俸滿果能辦事勤謹才猷練達該城御史出具切實考語呈送都察院堂官覈實移咨吏部帶領引

見請

昔照例陞用如有因公降革留任等項事故准其帶於新任扣滿年限另請開復其有因案革職嗣經將原議革職之案查銷改議者如原缺業經補放有人應俟原城缺出卽行坐補再揀發五城委用司坊官員遇委用乏員都察

院咨部揀發時吏部將應補與捐納相閃揀發如輪至應補揀發時應補無人並例應借揀之應補各項亦均無人正副指揮吏目各照遇有缺出時輪用應補無人及例應抵補之應補各班無人辦理至揀發正副指揮應以進士舉人出身之應補知縣及應補通判州同揀發時照揀發外省之例卽行付查各司現出幾缺統扣至揀選前一日止按冊稽查凡已到班之員卽行扣除免其赴挑其應

挑人員先期擬定日期全行傳喚屆期開列

滿洲漢大學士九卿職名奏請

欽派候

派出後卽於本日挑取毋須稽遲如有遷延後期者

查明叅奏其疎發之員交都察院分五城差

委仍令其每月赴部投供按班銓選

借揀各員疎發

到城後仍令該員每月赴部投供照例按班
銓選其由正役九品借揀毋庸赴部投供各
員如該員原班輪選到班仍按班銓選其西
北兩城缺出應將借揀之員揀補時適同月
該員等原班輪選到班仍先儘原班選用其
該城應行揀補之缺卽令另行揀員請補

至揀發委用人員遇有丁憂告病等項事故
俟服滿病痊赴部投供到城後應由都察院
將該員到院日期先行咨部俟原城揀發缺
出吏部查明該員是否合例如投供到城日
期在先出缺日期在後卽應坐揀並給與該
員執照令其前赴都察院聽候差委如缺出
在先該員投供到城在後卽行扣除其有因
差委之人不敷差遣請將在部投供應揀正
副指揮吏目揀選交城差委應由都察院一

律奏明辦理

奏明揀選咨部揀選均按奏如明出咨月分投供人員揀選

如

應揀司坊官員傳揀不到無論有無告假事

故均予扣選一次以杜規避再

圓明園附近之掛甲屯地方北城分駐揀發司坊

官一員南海淀地方西城分駐揀發司坊官

一員專司稽查如果認真留心緝捕一年期

滿該城御史出具切實考語呈送都察院轉

咨吏部按咨到日期先後註冊如出捐納揀

發者毋庸分別捐例新舊列於捐班之前先

用一人次用捐納正班一人如由應補班次
揀發者列於應補班之前先用一人次用應
補正班一人其有奉

旨儘先補用者亦各按應補捐納班次列於各本班
之前先用一人次用正班一人其司坊官員
駐班期滿如班次無可再加者卽給予加一
級以示鼓勵再司坊各官無論實缺及揀發
人員俱由部開明三代咨送都察院以備查
覈其現任正副指揮吏目各員有因人地未

宜奏請開缺者歸於撤回另補班內應令該員赴部投供遇有別城缺出卽行擬補俟擬補後知照都察院劄交該城御史查看能否勝任照例辦理

嘉慶二十二年十月奉

上諭御史王庭華奏分發佐雜人員請嚴加甄別一摺各省分發佐雜微員人充途雜賢否不一自應立法甄汰以示區別著各督撫將分發佐雜人員於到省後卽留心查察如有身家不清流品不正者隨時奏

明斥革不必待至一年其才堪造就者試用一年准其咨留本省照例補用才優品劣者一年期滿分別降調咨回原籍務各秉公考覈勿稍瞻徇五城揀發各員亦著一體甄別以肅官方等因欽此欽遵恭纂

入例

奉宸苑開官

一

奉宸苑開官吏部於候補候選未入流內揀選補

授附入月選雜職內具題候奉

旨後給憑赴任准作京俸與各省未入流等官較俸

陞轉

該員懋俸六年期滿應歸卽陞之處例載京官計俸條內

奉天州縣等官補用

一奉天州縣各缺如四項三項相兼要缺之承

德縣係六品京縣准該兼管府尹等揀選陞

補錦縣附府首邑准其揀選陞調並附近蒙

古地界之義州及非與蒙古地界相近之遼

陽雷遠二州海城縣知縣遇有缺出均由該

兼管府尹等揀選陞調如無可陞調之員卽

令具摺奏請揀補其餘附近蒙古地界之開
原鐵嶺廣甯三縣及非與蒙古地界相近之
復州蓋平甯海三州縣均係例缺遇有缺出

應行歸部揀補若該省有揀發候補委用

京

察職取

記名暨曾任實缺者歸候補班

補用勞績捐納初任候選正途出身人員歸

委用班

並勞績保留該省候補及進士卽用

人員應無論

計典參劾丁憂及推
陞捐陞題陞題調降革

何項開

缺悉准該兼管府尹等扣留外補其請補班

次用候補一人卽用一人委用一人

卽用人
員按科

分甲第名次先後候補

委用人員酌量補用

以三缺爲一週

知州由該

兼管府尹等於候補委用兩項人員內酌量揀選請補

其進士卽用並

保留該省候補人員必俟到省後下月所出

之缺方准請補

如應行甄別人員必須甄別奉旨後下月所出之缺

方准請補

其揀發候補委用人員於出缺後始行

到省仍准請補或尙未到省亦俟到省後再

行請補

他省不得援以爲例

如各項候補並進士卽用

及揀發委用均無人再行歸部揀補其奏請

歸部揀補並應由部揀補各缺吏部均開列

九卿職名奏請

欽派會同吏部揀選知州將漢員應補知州滿洲開
復應補知州滿洲外任回旗知州內揀選二

三員引

見補授知縣將滿洲漢員應補知縣及滿洲漢員開
復應補知縣滿洲外任回旗知縣內揀選二

三員引

見補授其錦州府知府缺出開列缺單如有應補人
員亦照例夾單或用滿洲人員或用漢員請

吉飭川至岫巖州知州

由岫巖鳳凰城海防通判改設仍作爲衝繁疲難調要缺

遇有缺出按照調要缺知州補缺辦理

如陞調無

人祇准以各項候補人員請補不得將揀發委用人員題署

奉天各廳州

縣等官均定爲滿漢兼川州縣各官均加理

事同知通判銜至知府同通州縣等官均定

爲二年俸滿如果著有成效令該兼管府尹

等詳加察看出具切實考語具題到部入於

卽陞班內陞用仍在任候陞

撫民同知通判

滿洲蒙古小京官揀選陞用撫民同知通判
除七品小京官內之讀祝官贊禮郎鳴贊三
項內有由護軍親軍前鋒及拜唐阿挑補者
不准保送外其餘正從七八九品小京官由
吏部行文內閣等衙門令該堂官先儘

京察一等人員保送如一等無人始准於二等入
員內擇其實有能識文義辦事明白之員歷
俸三年以上者出具考語保送如歷俸未滿
卽行駁回其保送員數應按照各衙門額缺

在五員以上者准保一員額數過多者則按數遞加其額缺不足五員者如果有辦事出色之員亦准保送一員其有出差各倉監督

人員如才具優長者准該倉場衙門出具切

實考語一體保送若不得人概不准濫保

其保

送各員內查有各項不合例應行扣除者概以該衙門送到之日爲斷不得俟至引

見之日始行扣算如保送合例之員吏部照月選官

員履歷式樣各令繕寫履歷仍按衙門次序

帶領引

見請

旨分別以同知通判註冊論本任俸次按班陞用陞

班次載人選法雜條例內將次用完之時吏部再照此例

辦理陞用之後如有貪劣事蹟將該堂官照

京察保舉一等之例議處其

記名人員准其呈請分發各省歸候補班補用其到省後

如何序補另有專條

理事同知通判

內閣各衙門保送理事同知通判

一 理事同知通判無論內地邊地吏部行文內閣各衙門令該堂官於

京察一等之中書小京官筆帖式內將通曉漢文兼通繙譯者保送其由一等出差各倉監督人員亦准該倉場衙門出具切實考語一體保送如山護軍親軍前鋒拜唐阿挑補之讀祝官鳴贊贊禮郎等官均不准保送至各衙門保送到部吏部先行擬定日期將應行與挑人員概行傳齊屆期開列大學士九卿職

名奏請

欽派俟

派出後卽於本日赴

天安門外吏部

朝房公同揀選冊許稽遲如有遷延後期者吏部查明叅奏其揀選之員由吏部傳令親繕曆
歷按照衙門次序帶領引

見記名者按照奉

書記名日期新舊次序註冊如同日

記名者按照俸次先後其

京察一等之

記名滿洲蒙古中書小京官筆帖式俱附於上次

記名人員之後

其內務府筆帖式

京察一等

記名以理事同知通判用者遇有缺

出按照註册次序列於各衙門 記名人員之末

續保奏人員無論由曾經

記名保奏儘先由未經

記名人員保奏儘先均按保奏奉

旨先後加奉

若日期相同比較俸次先後請

備一次再遇缺出將照例

記名人員請

備一次相開輪用如應開列勞績人員時不足十員
之數將

記名人員補足十員請

備勞績無人專用

記名人員其各館議敘列於

記名人員一人之後各員遇輪用勞績時毋庸開列

欽定吏部則例

卷之五

銓選漢官

全

應俟開列

記名時列於一人之後至各省遇有理事同知通判

缺出除服滿裁缺迴避

此係專指現任迴避人員言至曾經補缺

未經覈准奉

旨

適遇有迴避應照候補

人員一律領咨赴部

仍按原班名次先後開

列以上應行領咨赴部候補各員以該旗呈

報該員赴部候補圖結到部之日以後所出

之缺方降革開復如係應歸外補之員遇原

准開列缺裁汰或改爲別項缺分

無缺可補應歸部揀補遇有別省

缺出將該員按例定次序開列及病痊捐

免坐補原缺並緣事降革援例開復各項應

補人員並病痊引

見奉

昔仍以理事同知通判用者

降指人員列於各項應補之後病痊人員之前

如有私罪降革嗣經指復降指人員遇有原省缺出扣除開列均列名於勞

績及

記名之先各項應補合例者全行開列同項應補之

人比較日期先後全行開列如各項應補已

足十員卽毋庸開列勞績

記名如各項應補逾於十員照依次序開列十人餘

者扣除遇輪用勞績及輪用

記名時如

簡用應補均毋庸過班如有業經開列

簡用適該員有事故在先報部在後亦均毋庸過班
仍照前輪開列又揀補理事同知通判如

記名人員及勞績保舉以理事同知通判儘先陞用
人員奉

旨與出缺同日此缺均應將該員扣除其

記名人員有嗣經各館議敘班次及因勞績保舉班

次奉

昔與出缺同日查其原資如已列入十名之內仍照
定例將該員按資俸先後開列每缺按班輪
用帶領十員引

見如遇二缺亦按班輪用共帶領二十員請

旨簡放至應行列入引

見之員如見有邊遠及軍務省分缺出

如係推陞出缺以截缺之

日爲始若係各項事故出缺以文到之日爲始

患病告假者照各省

揀發告病人員之例議處如再遇遠省及軍

務省分缺出仍將該員開列其並無軍務之

近省缺出照月選官員因揀發不到扣選將
該員扣除三次扣滿次數後遇有遠近省分
缺出始准將該員照例統行開列帶領引

見儻遇遠省及軍務省分缺出如
速告假二次者照規避例議處至保送

記名人員將次用完之時吏部行文各衙門照例保
送揀選

記名理事同知通判改爲二等三等分別查銷

京察一等

記名以理事同知通判陞用人員三年內未經陞調
因行走平常改爲一等三等者卽將該員從
前一等

記名之案查銷其有曾經陞任調任下屆

京察列爲二等人員覈其品級查係仍應陞用理

事同知通判者

應陞理事同知通判
各項詳載品級考其

記名之處毋庸註銷遇有缺出照例挨名帶領引

見請

旨簡放

各省奏請揀發理事同知通判

一各省奏請揀發理事同知通判時毋庸奏請

欽派大臣揀選卽由吏部將應補並

記名前列人員及勞績人員按班輪用

仍照奉
旨及
記

名次序以及
俸式先後帶領引

見如請揀一員卽帶領十員請揀二員卽帶領二十員照揀補實缺人員之例辦理請

旨發往到省後遇有同知通判缺出准其扣留請補

題咨到部遠近省分限期按照各省外補仍
人員之例辦理詳載外補條內另有專條仍

按出缺日期先後依次扣留題補毋得先後

倒置如有題補參差者吏部卽行議駁將員
缺歸部揀補再理事同知通判本係由部推
陞員外郎之員揀發各該省人員不得請補
苗疆久任之缺致礙推陞之例若請補後經
部議駁欽奉

特旨准補卽照現缺陞轉停其在部推陞至曾經補
授題調要缺嗣經患病開缺病痊引

見奉

旨照例坐補原缺查其原缺係在外揀選題調要缺

欽定吏部則例

卷之五

銓選漢官

七

應准其呈請給照赴省坐補

呼蘭理事同知題補

一呼蘭理事同知一缺

新設

作為邊俸題調要缺

遇有缺出應由該將軍一面報部一面咨奉

天府府尹於奉天揀發理事同知通判內揀

選題署如不得其人卽於奉天現任滿蒙同

知通判州縣暨揀發滿蒙同知通判州縣內

一體揀選試署如果實堪勝任由該將軍奏

請題補實授俟三年俸滿卽比照熱河邊俸

期滿之例如係循分供職之員撤回仍以原官留於奉天卽補果能整頓地方著有成效由理事同知通判補授者准該將軍出具考語保題送部引

見俟奉

旨准其外陞卽發回原省以撫民同知通判對品先行調補儻一時無缺可調准於本省州縣缺出不論繁簡卽行借補遇有應陞之缺仍照原銜題陞如由現任同知通判州縣及揀發

同知通判州縣補授者准由該將軍會同奉天府府尹保題到部入於卽陞班內陞用仍准該省題陞未經陞用以前並准以本省原官先行補用至試署人員如不勝任立即撤回卽行咨明更換其奏請實授之後該將軍仍應隨時察看儻或始勤終怠亦卽撤回更補不得俟三年俸滿始行撤回庶免遺誤地方理事同知通判註銷捐案保案分別帶領應行開列之理事同知通判人員如報捐陞

階或保舉陞階班次原班已斷續請註銷捐
案保案仍歸理事同知通判原班開列註銷
後遇有缺出如名次已在十員之內應扣除請
簡一次如名次未入十員之內毋庸覈扣至由各項
應補理事同知通判如有註銷陞案亦照此
分別辦理

同知通判由理事改爲撫民其理事人員
准與地方各員酌量陞調請補

一凡理事同知通判改爲撫民同知通判之缺

省分理事人員除照例以理事同知通判各
缺陞調請補外如遇地方同知通判缺出其
實缺候補理事同知通判中如實有才具優
長通曉政體者准該督撫等將此項人員一
體與地方人員酌量陞調請補其並未改缺
之省概不得援照辦理

筆帖式截取知縣

在京各衙門滿洲蒙古筆帖式外陞知縣吏
部於咨取時令各該堂官詳加揀選先儘

京察一等歷俸五年以上堪勝外任人員保送如
一等不敷保送仍准其於二等人員內擇其
歷俸五年以上才具優長堪膺外任者出具
切實考語各計額缺在十五員以上者方准
保送一員餘則按數遞加若一時不能得人
任缺勿濫各按額缺多寡定以准保員數吏
部准保四員戶部六員禮部二員兵部四員
刑部七員工部五員都察院二員理藩院六
員翰林院二員三庫吏科戶科兵科刑科光

祿寺太僕寺欽天監步軍統領衙門俱各准保一員其餘

上諭處

起居注通政司大理寺詹事府禮科工科鑾儀衛太常寺鴻臚寺國子監中書科倉場衙門繙書房侍衛處各衙門額缺俱不足十五員之

數其中果有人材出眾堪膺民社者亦各准保一員如無人亦不得濫保

其保送各員內查有各項不合

例應行扣除者以該衙門送到之日爲斷至概不得俟至引見之日始行扣算

保送之員吏部先行擬定日期將應行與挑人員概行傳齊屆期開列大學士九卿職名奏請

欽派俟

派出後卽於本日起

天安門外吏部

朝房公同揀選二十員毋許稽遲如有遷延後期者吏部查明叅奏其揀選之員交與吏部照月選官之例令其親繕履歷按照揀選衙門

次序帶領引

見奉

旨記名者註冊按班論俸陞用一人

陞用班次載入
選法雜條例內

儻陞用之後有以不勝外任題叅者卽將濫
行保送之堂官照例議處

捐納議敘試俸各官期滿保送陞用

一凡各項應行題銷試俸之滿洲蒙古漢軍漢
主事保送直隸州知州並滿洲蒙古各項小
京官保送撫民同知通判等官俱俟試俸期

滿後如有捐免試俸者查係由本衙門題補得缺應以捐免上庫戶部知照到部之日作爲俸滿日期其非本衙門題補得缺各員卽以到任後半年限滿之日作爲俸滿日期方准保送請

旨記名陞用其試俸未經期滿亦未遵例捐免者吏部查明駁回不准帶領引

見

記名人員一人不許佔兩途

一陞用理事撫民同知通判並陞用知縣等項之滿洲蒙古人員除論俸應陞者仍准陞用

外其有冒經奉

旨記名以何項員缺補用者卽令其專候本項之缺

再遇揀選

記名補用之缺不准復行與選或於此項奉

旨不必

記名下次凡遇揀選亦不准保送

記名人員揀選時患病扣限陞用

一各項

記名外川京官遇各省奏請揀發時傳喚赴挑有以

患病扣除者俟咨報病痊到部之日起扣足

五十五日限期方准按班陞用

如遇邊遠軍務省分揀發

不到分別扣選例

載揀發人員條內

查辦卓異卽陞州縣等官陞任京職

一 凡由卓異卽陞之知州知縣同知等官陞任

京職並推陞京職後又經陞任至科道及服

滿開復赴部者吏部查明與丁憂回旗人員

每年十月內一併帶領引

見恭候

錄用除交軍機處

記名人員應聽軍機處辦理外如奉

旨交部

記名科道遇有請

旨道員缺出郎中員外郎遇有請

旨知府缺出分別開列名單缺單開具履歷恭請

飭用主事以下小京官各以應得之項註冊入於單

月與應補人員較奉

旨投文日期先後陞用至應補赴部人員尙未得缺奉

吉記名

此係卓異卽陞推陞京職後未經查辦
族卽丁憂服滿後查辦

記名者

及從

前由現任小京官曾經奉

旨記名者

此係卓異卽陞推陞京職業經查辦
記名後因丁憂服滿赴部候補者

均

歸於單月較各項日期先後附於現任

記名人員之末陞用至

記名主事以下小京官單月未經陞用者遇伊等俸

深班次應陞時仍准較俸陞用

藩臬奏請

陞見

一各省布政使按察使到任三年奏請

陛見每屆三年一次請

旨有奏請未經

允准者次年以後每年復行具奏其有奉

旨允准或不令來京俱自行報部如逾期不行陳請

吏部查明具奏

道府等官俸滿引 見

一各省運使道府鹽運司運同直隸州知州俸

滿調取按照省分立定年限直隸山東山西

河南江南定期六年江西浙江湖南湖北陝

西甘肅定期七年雲南貴州四川廣東廣西
福建定期八年同知運副提舉通判運判州
縣鹽大使定期十年除運使道員二項任內
有展叅事關實應降革事故不行調取外如
有降革留任事故仍行調取於摺內聲明其
餘各官吏部查明已及年分者行文調取統
限三十日按次定稿行文不得先後凌躐其
中現任對調迴避並奉

特旨調任補授及由道員補放運使前後俸次俱准

接算其有已屆俸滿者仍俟到新任半年後
再行調取至計算俸次如係推陞題陞及選
授之員應行引

見者以引

見奉

旨之日爲始如係題補題署

特旨補放卓異未滿三年陞授例不引

見人員俱以題准奉

旨之日爲始

如係例應接算前後俸次者仍以
前任內奉 旨補授之日爲始

其二

次俸滿者以初次俸滿引

見之日爲始題補題署陞任並各項人員內有曾經卓異及曾因別項引

見者卽以後次引

見之日另扣年限再行調取至知府鹽運司運同直隸州知州同知運副提舉通判運判州縣鹽大使如任內有降革留任事故及展叅實關降革處分俱於摺內詳悉聲明如有奉

旨以何項官員題補者回任後候展叅事件銷案後

方准題請陞用以上應行調取各官該督撫
於接到部文後按限給咨赴部不得藉詞延
宕限二十日詳請委員署理給與交代限期
六個月給咨限期三個月出具考語令該員
赴部准其除去赴部程限如再逾限三月以
外者卽照卓異人員赴部逾限之例分別議
處其限滿未經引

見以先概予停陞僅實有承辦要件必須該員一手
經理半年以上方可完竣者准該督撫將緣

出於兩月內奏明加展加展限期統不得逾一年亦不准

咨請展限違者均照例議處並於文內將何

日奉文何日給咨何日起程詳細聲敘以憑

查覈如該管上司延不給咨將該管官照例

分別議處

以上分別議處例載處分則例內

如給咨後該員

因別項事故離任俟赴補到部之日查明帶

領引

見其有因公來京及題陞推陞因公降革等事例應引見者仍將調取之處俱於摺內敘入至親老改補近

欽定吏部則例

卷之五

銓選漢官

七

省之員例應在任停其陞轉日後仍坐補原

掣遠省人員吏部概不調取再苗疆夷疆邊

疆海疆久任各缺內除道府係方面大員仍

照例定年限調取外其丞倅州縣等官內之

湖南永順府同知辰州府乾州同知永綏同

知鳳凰營同知靖州直隸州知州永順保靖

城步綏甯等縣知縣雲南昭通府大關同知

鎮雄州知州普洱府威遠同知麗江府中甸

同知永昌府水利龍陵同知寶甯縣知縣貴

州松桃直隸同知普安直隸同知鎮遠府臺
拱同知黎平府古州同知都勻府八寨同知
鎮遠府清水通判黎平府下江通判都勻府
丹江都江通判安順府歸化通判大定府水
城通判獨山定番等州知州荔波縣知縣廣
西懷遠縣知縣福建閩縣侯官福清晉江南
安惠安同安龍溪漳浦詔安霞浦等縣知縣
四川雜谷理番直隸同知打箭鑪同知松潘
直隸同知均係苗疆等項久任之缺如有歷

俸已滿者暫停調取該督撫亦毋庸給咨送部俟俸滿題陞時再行給咨送部引

見

直隸熱河道

一直隸熱河兵備道定為三年俸滿撤回該督於內地旗員道員內揀選互相對調如實無堪調之員及出別項出缺各部與口北道山西歸綏道合併積缺將各部院滿洲蒙古郎中與滿洲科道兩項相間輪流帶領引

見如輪川郎中時吏部行文各部並理藩院步軍統

領衙門令各該堂官於滿洲蒙古

京察一等郎中內揀選保送

如一等無人或遇有事故准以二等人員

保送之處詳載各衙門題陞保送先儘一等人員係內口北歸綏二道同帶領引

見如輪川滿洲科道時吏部行文都察院令該堂官

秉公保送掌印給事中給事中四員各道監

察御史八員先儘一等人員如一等不敷保

送或一等無人方准將二等人員保送出具

切實考語移咨吏部按俸次先後帶領引

見恭候

簡用將撤回之員送部引

見候

旨簡用其熱河道到任後仍責成熱河都統就近察看如不勝任隨時咨會該督撤回另行遴調其撤回之員按原官聽該督以內地相當缺分酌量補用

直隸口北道山西歸綏道

一直隸口北兵備道山西歸綏兵備道缺出與

直隸熱河兵備道合併積缺將各部院滿洲
蒙古郎中與滿洲科道兩項相閒輪流帶領引
見如輪用郎中時吏部行文各部並理藩院步軍統
領衙門令各該堂官於滿洲蒙古郎中內揀
選保送帶領引

見如輪用滿洲科道時吏部行文都察院令該堂官
秉公保送掌印給事中給事中四員各道監
察御史八員先儘一等人員如一等不敷保
送或一等無人方准將二等人員保送出具

切實考語移咨吏部按俸次先後帶領引

見恭候

簡用

直隸津海關道

一直隸津海關道

添設

凡直隸省中外交涉事件

統歸關道管轄其駐紮之天津府並所屬滄

州天津靜海鹽山慶雲各州縣永平府並所

屬灤州樂亭縣遵化州並所屬豐潤縣及順

天府所屬之甯河縣俱係沿海地方均歸關

道專轄至沿海各口岸稅務有本歸該處州
縣經管者仍照舊稽徵其專轄府州縣尋常
命盜錢糧案件仍照舊由各該管道員飭辦
惟中外交涉事件稟詳關道覈辦其距海較
遠之各府州縣均歸關道兼轄遇有中外交
涉事務就近通稟該管上司覈辦俟辦結併
報關道查覈遇有通商事務准由關道檄飭
遵辦儻有不遵檄飭並辦理不善之員由該
關道詳請該督據實叅辦照例議處其津海

關道一缺作爲衝繁疲難四字最要之缺遇
有缺出由該督揀員請補如於通省現任道
員內調補所遺之缺例應請

旨者請

旨簡放應歸月選者歸部銓選如於候補道員內請
補或以現任知府請陞准擇其人地相宜者
酌量補用陞用如一時無可勝任人員准該
督於摺內聲明酌保一二員請

旨簡用

同治九年十月奉

上諭前據總理各國事務衙門奏遵議尙書毛昶熙奏
請撤三口通商大臣條陳當令李鴻章妥籌應辦各
事宜茲據該督酌議章程具奏天津地方緊要自宜
因時變通三口通商大臣一缺著卽行裁撤所有應
辦各事宜均著歸直隸總督督飭該管道員經理卽
由禮部頒發欵差大臣關防用昭信守並著該督於
每年海口春融開凍後移紮天津冬令封河再回省
城儻遇有緊要事件必須回省料理亦准其酌度情

形暫行回省事竣仍赴津郡以資兼顧其山東登萊
青道所管東海關奉天奉錦道所管牛莊關均歸該
督統轄惟中外交涉事務較繁自應添設道員管理
著照所請准其另設津海關道一缺專管中外交涉
各事件及新鈔兩關稅務並責成該道督飭府縣悉
心幫辦仍隨時稟請該督酌覈辦理嗣後津海關道
缺出著由直隸總督揀員請補其餘未盡事宜著李
鴻章迅速妥議具奏欽此欽遵恭纂入例

奉錦山海關兵備道

一奉錦山海關兵備道照福建臺灣道例加按

察使銜

山海關監
督改設

將沿海之全州廳同知岫

巖城通判復州知州海城縣知縣蓋平縣知

縣及所屬佐雜悉歸山海關兵備道管轄並

於奉天省候補雜職內由該府尹揀選勤幹

有爲之員酌派一員飭交該道差委卽於營

口值班以專責成其餘各府州縣遇有中外

交涉稅務事件應聽該道檄飭遵辦該道員

缺出應以旗員補放知照軍機處請

旨簡放如無應行請

簡旗員卽由吏部行文咨取各部並理藩院步軍統

領衙門於滿蒙郎中內保送

先儘一等人員如無人方准以

二等人員保送帶領引

見恭候

簡放

同治五年十月十五日議覆

盛京將軍都興阿等會同總理衙門具奏奉

上諭前因總理各國事務衙門奏請裁撤山海關監督

改設道員專以旗員補放地方如何管轄請飭盛京將軍奉天府尹三口通商大臣妥議當經降旨依議嗣據該將軍等體查情形覆奏復降旨令該部速議茲據吏部等衙門奏稱請將沿海之金州廳岫巖城復州海城蓋平縣地方官員及所屬佐雜悉歸新設道員管轄並於奉天省候補雜職內揀派二員交該道差委卽於營口值班其餘各府州縣遇有中外交涉稅務事件由該道檄飭遵辦金州廳等處錢穀刑名事件統歸督催稽查其命盜等案解勘仍照舊

例辦理蓋州城守尉牛莊防守尉二員毋庸歸該道
節制如有需兵稽查剿捕之處准其移行該城守尉
調撥該口所收常洋各稅應令該道每月詳報三口
通商大臣由該大臣分咨查覈奏報其征收稅項仍
遵舊定關期辦理毋庸按照經徵代徵在任月日數
計以杜牽混山海關所轄水旱馬頭共三十餘處仍
令照別徵收無論直隸奉天等處口岸均由該道覈
實稽徵除金州廳等處地方歸該道管轄外並將監
首原管之海口一併歸其管理海城蓋平二縣仍照

舊輪往營口住班僅遇中外交涉關繫緊要事件准該道專摺奏聞其尋常地方稅務等事仍分詳將軍府尹三口通商大臣覈辦其鑄發關防廉俸薪水建蓋衙署等事所籌均屬周妥卽著照所請行所有新設之分巡奉天錦州山海關等處兵備道員缺著江西廣饒九江道俊達調補俊達未到任以前著前監督成林署理惟改設之初諸事創始該將軍府尹三口通商大臣等當督同該道將一切事宜規畫盡善餘著照所議辦理該部知道欽此又同治五年十二

月奉

上諭崇厚奏議覆奉省改設道員應請加銜一摺奉天新設奉錦山海道員缺著准其照福建臺灣道例賞加按察使銜以符體制等因欽此欽遵恭纂入例

奉天東邊道等缺

一奉天東邊兵備道新設作為題補最要缺夏初

駐紮東溝秋後駐紮頭道江冬末再回鳳凰城往來兼顧以資彈壓遇有缺出由該將軍等咨會北洋大臣直隸總督於奉天直隸兩

省現任道員中各保一堪任邊疆要缺熟悉洋務之員請

旨飭調所遺之缺例應請

旨者仍請

旨飭放應歸月選者仍歸部銓選如奉天直隸兩省候補道員及現任知府內有人地實在相宜堪勝邊要者准由

盛京將軍直隸總督專摺出具切實考語各保一

員請

全明身音具也 卷之五
官簡署侯試署一年期滿再行請補請陞鳳凰直隸

廳同知

由鳳凰城
巡檢改設

作為衝繁難題調要缺

興京撫民同知

由理事通
判改設

作為繁疲難近邊題調

要缺遇有缺出俱准陞調兼行聽該府尹等

酌量具題如實無合例堪以陞調之員准以

各項候補酌量題補並揀發委用人員酌量

題署均加四品頂戴兼理事同知銜安東寬

甸通化知縣三缺

俱新
設

均作為繁疲難三項

題調邊要之缺懷仁縣知縣

新
設

作為疲難題

調邊要之缺遇有缺出俱准陞調兼行聽該
府尹等酌量具題如實無合例堪以陞調之
員亦准以曾任實缺候補並進士卽用人員

題補

其初任候補並揀發
委用人員不准題署均加理事通判銜

以上各廳縣三年俸滿如果著有成效令該
兼管府尹等詳加察看出具切實考語具題
到部入於卽陞班內陞用仍在任候陞其東
邊道豐盛庫大使

興京同知經歷管司獄事鳳凰同知經歷管司獄

事賽馬集巡檢孤山海口巡檢通化縣柳樹
河縣丞帽兒山巡檢懷仁縣通溝口四平街
各巡檢寬甸縣長甸河口縣丞二龍渡巡檢
並安東寬甸懷仁通化四縣各巡檢管典史
事以上各缺
均新設俱作爲沿邊要缺遇有缺出於

通省現任人員內揀選調補或由候補人員
咨補並曾經咨署得缺之委用人員咨署一
年期滿另請實授均俟三年俸滿如無違礙
處分令該府尹等出具切實考語咨部開缺

以應陞之缺陞用未陞以前仍以原官補用
其調補之員如不勝任立即調回另行遴員
調補

吉林吉林府知府等缺

一吉林府知府

由吉林廳理事同知改設
作爲繁疲難題調要缺

遇有

缺出由現任人員擇其人地相宜者揀選陞
補如無合例堪以陞補之員准於候補並揀
發曾任實缺委用人員內揀員願補三年俸

滿如果著有成效令該將軍等詳加察看出

具切實考語送部引

見候

旨陞用仍在任候陞儻陞補之員未能勝任立卽撤

回毋庸拘定年限賓州廳撫民同知

新設作爲衝繁

難題調要缺

五常廳撫民同知

新設作爲衝繁難題調要缺

伯

都訥廳撫民同知

由理事同知改設作爲衝繁難題調要缺

長

春廳撫民通判

由理事通判改設作爲衝繁難近邊題調要缺

伊通

州知州

新設作爲衝繁難近邊題調要缺

遇有缺出俱准陞

調兼行聽該將軍等酌量具題如無合例堪

以陞調之員准於候補並揀發委用人員內

揀選題補雙城廳撫民通判

新設作爲
疲難中缺

遇有

缺出歸部銓選如該省有應補人員亦准其

扣留由外照例揀選題補均加理事同知銜

以便旗民兼管敦化縣知縣

新設作爲
疲難中缺

遇有

缺出按照奉天中簡州縣各缺定例歸部揀

補如該省有應補人員亦准其扣留外補其

請補班次用候補一人卽用一人委用一人

進士卽用人員按科分甲第名次

先後候補委用人員酌量補用
以三缺爲

一週並加理事通判銜均俟三年俸滿如果

著有成效令該將軍等詳加察看出具切實

考語具題到部入於卽陞班內陞用仍在任

候陞

以上各項揀發人員應由部照例奏請揀選曾任實缺正途出身人員發往補

用長春廳分防農安照磨

新設吉林府經歷

林應巡

檢改設伊通州磨盤山分防巡檢

吏曰

山伊通分防巡檢改設

伯都訥巡檢孤榆樹屯巡

檢長春廳巡檢各要缺遇有缺出於通省人

員內揀選調補或由候補並揀發人員內酌

量咨補均俟三年俸滿如無違礙處分令該將軍等出具切實考語咨部開缺以應陞之缺陞用未陞以前仍以原官補用如無原官可補者毋庸開缺令其在任候陞其調補之員如不勝任立即調回另行遴員調補

奏派揀選各堂官卽日赴挑

一揀選各項人員吏部先行擬定日期將應挑人數概行傳齊除吏部堂官毋庸開列外應將滿洲漢大學士九卿職名開列奏請

欽派俟

派出後卽於是日赴

天安門外吏部

朝房會同吏部公同揀選如

派出揀選之堂官有遷延後期者吏部查明叅處

各衙門開送奏派堂銜

一遇有例應開列銜名請

簡事件除實有別項差使不克分身者餘俱全行開
列其屆期另有差使者於各該員名下註明

將上屆

派出之員敘明共若干員聲明已故若干員扣除將
現存者按名開單進

呈

嘉慶十一年四月奉

上諭本日吏部開列大學士九卿職名請旨派員揀選
翰林院侍講國子監司業各缺一摺朕批閱單內刑
部堂官俱未開列兵部堂官職名亦未全行列入當
經詢問慶桂據稱吏部咨取職名時兵部尙書明亮

侍郎明志以現派考驗軍政刑部滿漢尙書侍郎以現辦減等俱未開送殊屬非是大學士九卿遇有例應開列請簡等事均係職分所當然卽有別項差使無難兼辦現在軍政考驗已將屆竣事刑部各堂官縱或簡派不過一二人於辦理減等事務有何耽延揀選不過片刻之事諸臣豈遂日不暇給乎明係藉詞推諉明亮長麟姜晟明志胡燏棻通阿周廷樞均著傳旨申飭嗣後遇有例應開列銜名請簡事件除實有別項差使不克分身者餘俱著通行開送毋得仍

前隨習假託事端冀圖安逸其各黽勉奉公用副朕
整飭訓誡至意欽此又十九年六月奉

上諭向來部院各衙門遇有請派事件均將上屆派出
各員開列比較單呈覽此次考試拔貢禮部單開嘉
慶七年派出搜檢王大臣內已故者十二員不應仍
行開寫嗣後各衙門開列比較單著將上屆派出之
員敘明共若干員聲明已故若干員扣除將現存者
按名開單進呈欽此又道光二年九月軍機大臣面奉
諭旨嗣後遇有奏派各項差使所有應行開列人員著

全行開列其屆期另有差使者於各該員名下註明

欽此欽遵恭纂入例